

Sultan Selangor tegur
Presiden PAS

3

PKNS: RM7 juta perkasa
usahawan Melayu

2

RM33.8 juta atasi bah
di Kuala Langat

4

Lancar kempen
keselamatan anak

8

selangorkini

PERCUMA

PP 19570/07/2020 (035196)

EDISI 7 - 13 MAC 2024

www.selangorkini.my

Pelaburan lonjak kepada RM55 billion

MUKA
2

PERBADANAN WAKAF SELANGOR
بِسْمِ اللَّهِ الرَّحْمَنِ الرَّحِيمِ
PERBADANAN WAKAF SELANGOR
MAJLIS AGAMA ISLAM SELANGOR

**BERWAKAF SECARA BULANAN
KINI LEBIH MUDAH MELALUI
DIRECT DEBIT**



**IMBAS UNTUK
MENDAFTAR**
mudah
• pantas
• selamat

Mendaftar sekali sahaja melalui <https://infaqpay.my/go/wakafselangor>. Pengguna akan menerima status BERJAYA melalui e-mel. Potongan akan dibuat setiap 2-Shb atau 22-26hb setiap bulan. Pewakaf akan menerima notifikasi transaksi berjaya melalui e-mel.

NOTA:
Resit Rasmi Sumbangan Wakaf tahun semasa akan diproses pada sukuan pertama tahun berikutnya. Pewakaf perlu mengemasuki alamat surat-menyurat terkini sebelum tahun berakhir bagi tujuan pengeposan resit rasmi tersebut.

BULAN WAKAF SELANGOR | www.wakafselangor.gov.my | [f@](https://www.facebook.com/wakafselangor) [d@](https://www.instagram.com/wakafselangor/) [x@](https://www.tiktok.com/@wakafselangor) wakafselangor




Dato' Menteri Besar Dato' Seri Amirudin Shari melancarkan Program Selangor Bertadabbur sepanjang Ramadan 1445 Hijrah anjuran Asatizah Selangor di Masjid Al-Husna, Subang Jaya pada 2 Mac 2024. Turut sama, EXCO Agama Dr Mohammad Fahmi Ngah dan pengarah program Marwan Bukhari A Hamid (kanan). Foto NAZIR KHAIRI ► BERITA MUKA 2

pancawarna

Bedah empat faktor
jatuhnya khilafah
Utsmaniah

Profesor M Sukru
Hanioglu kemuka
analisis 150 tahun
terakhir empayar
Islam



10

Lokasi tumpuan
beli hidangan
berbuka

Lebih 200 lokasi
bazar Ramadan
di Selangor tawar
pelbagai juadah
menyelerakan

12&13



Angkat pelawak
penghibur kelas
pertama

Senario ubah
landskap artis
komedi, jadi
buruan industri
seni tanah air

15



Dana RM1 juta untuk pelajar tafifiz

SHAH ALAM - Peruntukan RM1 juta disediakan pada setiap tahun bagi menjayakan program Inisiatif Kemahiran Teknikal dan Ikhtisas Smart Selangor (IKTISASS) kepada pelajar tafifiz.

Menurut Dato' Menteri Besar, program Pendidikan dan Latihan Teknikal dan Vokasional (TVET) di Pusat Pembangunan Kemahiran Teknikal Negeri Selangor (STDC) diperluas ke pusat tafifiz sejak 2021.

Dato' Seri Amirudin Shari berkata ia bertujuan membantu mereka meneruskan pengajian dalam bidang kemahiran antaranya automotif, elektrik dan teknologi maklumat.

"Setiap pelajar tafifiz ada subsidi antara RM4,900 sehingga RM15,075 bagi memberi peluang kepada mereka untuk mempelajari kemahiran teknikal dalam pasaran pekerjaan," katanya pada 28 Februari.

Amirudin menjelaskan 103 pelajar tafifiz terpilih mengikuti program IKTISASS di STDC bagi mengikuti kursus Sijil Kemahiran Malaysia tahap dua hingga empat sejak Disember tahun lalu.

10 buku terjemahan IBDE laris

SHAH ALAM - Enam naskhah terbitan Inisiatif Buku Darul Ehsan (IBDE) dengan kerjasama Media Selangor antara 10 karya terjemahan paling laris sepanjang Februari.

Buku itu ialah Memelihara Jiwa: Petua Daripada Tabib Kurun ke-9, Detik-Detik Akhir Empayar Utsmaniah, Gelagat dan Ragam Orang Melayu, Tanpa Ampun: Tiga Tahun Diburu Jepun di Rimba Malaya, Imam Al-Ghazali: Hayat dan Jasa Ilmuwan Ulung, serta Penaklukan Andalusia.

Menurut IBDE yang menerima geran tahunan Kerajaan Selangor, buku Muhammad: Riwayat Hidup Berdasarkan Sumber Terawal yang terbit hasil kerjasama Perbadanan Perpustakaan Awam Selangor (PPAS) kekal naskhah terlaris bulan lalu.

Semua karya terbitan IBDE boleh didapati melalui kedai buku Rencana di Sri Damansara, Petaling Jaya atau tempah dalam talian menerusi pautan bukuibde.com

IMBAS DI SINI
akbar digital minggu lepas



RM7 juta perkasa usahawan Melayu

SHAH ALAM - Perbadanan Kemajuan Negeri Selangor (PKNS) memperuntuk lebih RM7.7 juta pada tahun ini bagi memperkasa ekonomi orang Melayu dan bumiputera melalui bidang keusahawanan.

Dato' Menteri Besar Dato' Seri Amirudin Shari berkata jumlah itu meningkat lebih RM1.26 juta berbanding tahun lalu bagi memastikan usahawan tempatan mampu bersaing pada peringkat global.

"PKNS akan meningkatkan peruntukan setiap tahun. Demi memperka-

sa ekonomi orang Melayu, kita harus menghentikan ekonomi yang tidak mencipta nilai (rent seeking) atau kapitalis kronisme.

"Kita bercita-cita mewujudkan penusaha dan usahawan untuk maju melalui Ikon Agro, SelBiz dan program bawah Perbadanan Teknologi Maklumat Ekonomi Digital Selangor (Sdec)," katanya.

Beliau menjawab soalan wakil rakyat Batang Kali Muhammin Harith Abdullah Sani berhubung usaha memperkasa ekonomi Melayu dan Bumiputera da-

lam sidang Dewan Negeri Selangor pada 4 Mac.

Amirudin juga menambah projek bawah Rancangan Selangor Pertama antaranya Pembangunan Kawasan Sabak Bernam dan Jajaran Rel Keretapi Kita Selangor juga memberi manfaat kepada orang Melayu.

"Kerajaan Negeri bercita-cita membangunkan projek prasarana yang akan meligatkan lagi ekonomi negeri dan rakyat, justeru projek sebegini membantu memperkasa perkara tersebut," katanya.

Atasi sasaran RM45 bilion

Catat pelaburan RM55.3 billion

Oleh **SOFIA NASIR**

SHAH ALAM - Selangor mencatat nilai pelaburan RM55.3 bilion sepanjang tahun lalu, melebihi sasaran yang ditetapkan iaitu RM45 bilion, kata EXCO Pelaburan Ng Sze Han.

Beliau menjelaskan nilai tersebut yang merangkumi pelaburan domestik dan asing berdasarkan data Lembaga Pembangunan Pelaburan Malaysia

(Mida) 2023 yang diumumkan pada 29 Februari.

"Projek perkilangan atau sektor pembuatan mencatatkan peningkatan tahun ke tahun iaitu RM19.3 bilion tahun lalu berbanding RM12.2 bilion pada 2022," katanya.

Beliau menjawab soalan tambahan Ketua Pembangkang Dato' Seri Mohamed Azmin Ali mengenai kedudukan pelaburan negeri di Dewan Negeri Selangor di sini pada 1 Mac.

Sze Han juga menambah Selangor juga akan mengumumkan pelan pembangunan semikonduktor yang menyediakan ekosistem industri lebih baik bagi menjana pelaburan tinggi dalam masa terdekat.

"Sebahagian besar pelaburan semikonduktor ke Pulau Pinang kerana mereka ada ekosistem lengkap. Saya percaya pelan pembangunan ini membantu menarik pelabur ke Selangor," katanya.

RM30,000 bantuan alatan niaga

SHAH ALAM - Kerajaan Negeri melancarkan Dana Usahawan Madani Selangor (DUMS) bagi menyokong pembangunan usahawan kecil dan sederhana di Selangor.

Dato' Menteri Besar berkata RM2 juta diperuntuk bagi menjayakan inisiatif yang dijenamakan semula daripada Dana Usahawan Mikro Selangor dan dijangka memberi manfaat kepada 145 usahawan.

Dato' Seri Amirudin Shari menjelaskan skop DUMS diperluas kepada bidang ekonomi kreatif melibatkan in-

dustri kreatif multimedia, seni budaya dan warisan budaya berbanding sektor makanan dan minuman sebelum ini.

"Jika dulu (bantuan) lebih tertumpu kepada usahawan mikro bidang makanan, minuman atau jahitan, kini diperluas kepada ekonomi kreatif tahun ini. Contohnya ada usahawan (kecil) yang terlibat dalam bidang fotografi (termasuk dalam sektor yang diperluaskan).

"Bentuk bantuan yang ditawarkan adalah peralatan atau perkakasan kegunaan perniagaan yang dapat

meningkatkan produktiviti produk atau perkhidmatan dengan had nilai bantuan sehingga RM30,000," katanya selepas pelancaran di bangunan pentadbiran negeri pada 4 Mac.

Amirudin berkata RM20.06 juta dibelanjakan Kerajaan Negeri bagi membantu 1,029 usahawan mikro sejak 2015 hingga tahun lalu.

Syarat kelayakan antaranya pemohon rakyat Selangor atau bermastauan lebih 10 tahun dan mengusahakan perusahaan kategori mikro, kecil atau sederhana.

Teruskan program tadabbur al-Quran

PETALING JAYA - Penganjuran program Selangor Bertadabbur tidak terhenti sepanjang Ramadan, sebaliknya diteruskan di luar bulan suci itu bagi mendekatkan umat Islam dengan al-Quran.

Dato' Menteri Besar Dato' Seri Amirudin Shari percaya menyifatkan majlis ta'hib bertujuan mengimarah Ramadhan perlu diadakan secara kerap bagi membaiki jiwa dan rohani umat Islam.

"Kita cuba teruskan di sekolah, mas-

jid dan surau demi mendekatkan umat dengan al-Quran kerana kitab suci itu -Quran bukan sekadar panduan tapi melebihi segala-galanya.

"Umat perlu pengubatan, bukan hanya fizikal tetapi pemulihan rohani. Kita berdepan pelbagai masalah antara manusia dengan haiwan, alam sekitar termasuk fitnah berleluasa," katanya.

Beliau melancarkan program tersebut di Masjid Al-Husna, Bandar Sunway

di sini pada 2 Mac. Turut hadir, EXCO Agama Islam Dr Mohamad Fahmi Ngah.

Program keagamaan yang memasuki tahun keenam penganjuran menampilkan tema surah Al-Hujurat yang disampaikan 20 surau dan masjid terpilih bertujuan menghidupkan suasana Ramadan.

Majlis tersebut anjuran Asatizah Selangor dengan kerjasama Pejabat Dato' Menteri Besar dan Jabatan Agama Islam Selangor.



CERIA... Duli Yang Maha Mulia Tengku Permaisuri Selangor Tengku Permaisuri Hajah Norashikin (dua, kanan) berkenan melancarkan al-Quran Mushaf Khadijah di Kompleks Nasryul Quran, Putrajaya pada 2 Mac. Mushaf Khadijah adalah naskah berbentuk ensiklopedia pertama terbitan Yayasan Restu dengan 40 kelebihan dalam usaha memudahkan pembaca mempelajari dan mendalami maksud ayat-ayat al-Quran. Foto Facebook Selangor Royal Office

'Tidak pelihara adab dengan Raja Melayu'

SHAH ALAM - Kenyataan sinis presiden PAS berhubung sikap "Raja-raja perlu berwawasan kepada kehidupan akhirat dan tidak mengejar kepentingan dunia" disifatkan tidak bersesuaian dan tidak beradab.

Setiausaha sulit kepada Duli Yang Maha Mulia (DYMM) Sultan Selangor berkata kenyataan Tan Sri Abdul Hadi Awang itu bertentangan budaya Melayu yang sentiasa menghormati dan memelihara adab ketika menyuarakan pandangan kepada Raja-raja.

"Kenyataan YB Tan Sri Hadi yang telah dibuat secara terbuka di media sosial tersebut menggambarkan bahawa YB Tan Sri Hadi tidak membaca secara menyeluruh dan mendalam titah ucapan DYMM Sultan Selangor tersebut serta tidak memahami intipati titah ucapan Baginda khususnya berkaitan keputusan Mahkamah Persekutuan dalam kes Nik Elin yang mencabar keabsahan 16 peruntukan kesalahan jenayah dalam Enakmen Kanun Jenayah Syariah Kelantan 2019," kata Dato' Muhamad Munir Bani.

Ditulis bagi menjunjung titah perintah Sultan Sharafuddin Idris Shah Alhaj, surat beliau bertarikh 27 Februari yang ditujukan kepada Pesuruhjaya PAS Selangor Dato' Dr Ab Halim Tamuri diterbitkan di Facebook Selangor Royal

Office pada 29 Februari.

Muhamad Munir menjawab kenyataan Abdul Hadi di Facebook pada 20 Februari yang dipercaya mengulas titah ucapan Baginda ketika mempergerusikan Majlis Kebangsaan Bagi Hal Ehwal Agama Islam Malaysia (MKI) pada 15 Februari.

Baginda mengulas keputusan Mahkamah Persekutuan pada 9 Februari yang membatalkan 16 daripada 18 peruntukan enakmen tersebut seperti petisyen yang dibawa peguam Nik Elin Zurina Nik Abdul Rashid.

Sultan Selangor juga mendapat Abdul Hadi "cenderung menyangkal titah Raja-Raja Melayu" termasuk titah Sultan Terengganu pada Mac 2023 yang melarang ahli politik memberi kuliah di masjid.

"Kenyataan seumpama ini menggambarkan sikap tidak beradab dan tidak menghormati Raja-Raja Melayu sebagai ketua agama Islam di negeri-negeri yang mana Raja-Raja Melayu menetapkan sesuatu dasar demi perpaduan rakyat terutama umat Islam," surat Muhamad Munir dipetik.

Pada 4 Mac, Abdul Hadi mengutus warkah menjunjung kasih kepada Sultan Sharafuddin dan diserahkan kepada Muhamad Munir. Bagaimanapun, kandungan surat berkenaan tidak dinyatakan.

Polemik pancing sokongan politik

SHAH ALAM - Hujah presiden PAS kononnya Perlembagaan Persekutuan hanya undang-undang ciptaan penjawat yang mengetepikan kedudukan Islam tidak tepat, sebaliknya bertujuan mencetuskan polemik demi meraih sokongan politik.

Setiausaha sulit kepada Duli Yang Maha Mulia Sultan Selangor berkata Tan Sri Abdul Hadi Awang malah beberapa kali mengangkat sumpah setia jawatan ahli parliment untuk memelihara dan mempertahankan perlembagaan itu.

"Jadi, kenapa sekarang beliau mempertikai kedudukan Perlembagaan Persekutuan sebagai undang-undang utama negara sedangkan Islam ditetapkan sebagai agama persekutuan sejak ia digubal pada 1957 lagi.

"Adakah YB Tan Sri Hadi tidak lagi menghormati perlembagaan sebagai undang-undang tertinggi negara? Tidakkah ini juga menggambarkan beliau sengaja mencetuskan polemik politik demi meraih sokongan rakyat khususnya umat Islam berbangsa Melayu," kata Dato' Muhamad Munir Bani.

Muhamad Munir turut menegaskan Raja-Raja Melayu, parti politik dan badan agama terlibat langsung dalam rundingan bagi melahirkan Perlembagaan Persekutuan, sesuai dengan kemajmukan kaum dengan meletakkan Islam sebagai teras.

Unit Bumiputera Terhad

Caledonia Avenue Kedai Pejabat 2 Tingkat

Pusat Perniagaan Berpotensi Tinggi

Tanggapan pelukis

Hak milik kekal | Lokasi strategik dengan laluan trafik tinggi | 22' x 75'

Kelebihan Tambahan

- > Berhadapan jalan utama
- > Kuala Selangor-Sungai Buloh
- > Dikelilingi ameniti yang tersedia ada

- > Luas binaan 3,075 – 6,542 kps.
- > Direka dengan ruang yang praktikal

www.caledonia.my | 017-637 3770 • 013-673 3030 | BSC Sales Gallery

KLK Land
Suit 1A-1, Tingkat 1, Menara KLK
No. 1, Jalan PJU 17/6, Mutiara Damansara, 47810 Petaling Jaya, Selangor
Tel: 03-7726 1868

Segala maklumat yang terkandung di sini adalah tertakluk pada pindaan tanpa notis seperti mana yang dikeluarkan oleh pihak berkusa atau perundung pemaju. Walaupun segala maklumat telah disediakan dengan penuh teliti, pihak pemilik, pemaju dan pengurusan tidak boleh dipertanggungjawabkan jika terdapat kesilapan. Untuk mengelakkan dari kekeliruan, sila rujuk pada Perjanjian Jual Beli.

KLK LAND

Kerjasama teroka tenaga lestari

KUALA LUMPUR - Kerajaan Negeri, Worldwide Holdings Berhad (WHB) dan Tenaga Nasional Berhad (TNB) menandatangani memorandum persefahaman (MoU) bagi meneroka pembangunan berkaitan projek tenaga di Selangor.

Memorandum itu juga membuka peluang perniagaan dalam bidang tenaga boleh diperbaharui, tidak boleh diperbaharui dan lestari sekali gus menyokong matlamat pelepasan sifar karbon menjelang 2050.

Dato' Menteri Besar Dato' Seri Amirudin Shari berkata perjanjian itu sebahagian pelengkap Pelan Hala Tuju Peralihan Tenaga Negara (NETR) untuk membina negeri dan negara yang bukan saja maju daripada segi ekonomi tetapi juga mampan serta berdaya huni.

"Ia (antaranya) menjurus kepada projek Taman Suria Berpusat (CSP) yang akan dibangunkan merentasi beberapa negeri dan di Selangor kita melihat kawasan Hulu Bernam (antara yang sesuai).

"Pelbagai lagi kerjasama lain boleh dikembangkan menerusi perjanjian pintar ini bagi memastikan infrastruktur lebih cekap daripada segi penggunaan tenaga," katanya pada 5 Mac.

RM33.8 juta atasi bah di Kuala Langat

SHAH ALAM - Peruntukan RM33.8 juta disediakan bagi menjayakan pembinaan dua projek rancangan tebatan banjir (RTB) sekitar Kuala Langat, kata EXCO Infrastruktur Ir Izham Hashim.

Beliau memberitahu kerja membina RTB Sungai Sijangkang meliputi penstabilan dan pengukuhkan tebing serta pembinaan perangkap pencemar kasar yang menelan kos RM18.8 juta.

Menjawab soalan dalam sidang Dewan Negeri Selangor pada 28 Februari, beliau menjelaskan projek RTB Sungai Banting bernilai RM15 juta pula membabitkan kerja pembinaan 'u-drain'.

"Status pelaksanaan projek mencapai 13 peratus sehingga 31 Januari lalu," katanya yang menambah kedua-dua projek bermula Mei tahun lalu dijangka siap antara Ogos hingga November.

Dalam isu lain, Ir Izham berkata kerja naik taraf sistem perparitan di Jalan Perepat, Telok Panglima Garang meliputi pembaikan longkang membabitkan kos RM5.5 juta dijangka siap 2025.

Hulu Selangor, Gombak, Petaling, Shah Alam, Hulu Langat dan Sepang

	Imsak	Subuh	Syuru'	Zuhur	Asar	Maghrib	Isyak
07 Khamis	6:05	6:15	7:21	1:27	4:39	7:28	8:37
08 Jumaat	6:05	6:15	7:20	1:27	4:39	7:28	8:37
09 Sabtu	6:04	6:14	7:20	1:26	4:38	7:28	8:37
10 Ahad	6:04	6:14	7:20	1:26	4:37	7:27	8:36
11 Isnin	6:04	6:14	7:19	1:26	4:36	7:27	8:36
12 Selasa	6:03	6:13	7:19	1:26	4:36	7:27	8:36
13 Rabu	6:03	6:13	7:19	1:25	4:35	7:27	8:36

Waktu berlaku

Kaji punca utama banjir di Klang

SHAH ALAM - Pengendali projek Transit Aliran Ringan 3 (LRT 3), Prasarana Malaysia diarah menyemak punca banjir sekitar Pasar Borong Meru dan Sekolah Tinggi Klang.

EXCO Mobiliti Ng Sze Han menegaskan perkara itu perlu diteliti khususnya keberkesanan parit erong serta pembersihan parit alir keluar di Jalan Meru hingga Sungai Klang.

Katanya, beberapa siri banjir berlaku di Jalan Meru iaitu hadapan kom-



pleks Pasar Jalan Meru dan Sekolah Tinggi Klang semasa peringkat pembinaan serta penyiapan projek pembangunan LRT3.

"Justeru, LRT 3 perlu menyemak pembinaan dan ubah suai pembentungan di kawasan Bulatan Kota serta membuat cadangan untuk mengatasi masalah banjir ini," katanya.

Beliau menjawab soalan Ahli Dewan Negeri (ADN) Bandar Baru Klang Dr Quah Perng Fei berhubung pem-

bangunan projek LRT 3 dalam sidang Dewan Negeri Selangor (DNS) di sini pada 1 Mac.

Sze Han juga menjelaskan status kemajuan keseluruhan projek tersebut setakat Januari pada kadar 93.88 peratus dan dijadual siap sepenuhnya serta mula beroperasi Mac 2025.

Beliau menambah Majlis Bandaraya Diraja Klang juga akan menaik taraf perparitan di kawasan Lorong Nuri berhadapan Sekolah Tinggi Klang yang kerap mengalami banjir kilat.

Pelabuhan Pulau Carey tawar khidmat premium

Strategi kuasai dagangan serantau

Oleh SUHAILA SHAHRUL ANNUAR

SHAH ALAM - Pembangunan pelabuhan ketiga di Pulau Carey dapat memastikan Malaysia terus menjadi penyedia perkhidmatan pelabuhan unggul dan premium di rantau ini.

Dato' Menteri Besar berkata ranangan bawah projek Wilayah Pembangunan Bersepadu Selangor Selatan (IDRISS) itu juga memberi pulangan ekonomi berterusan kepada negeri.

Menurut Dato' Seri Amirudin Shari, kebolehlaksanaan projek yang dalam peringkat cadangan itu disediakan Lembaga Pelabuhan Klang hasil kelulusan Kementerian Pengangkutan.

"Pada tahap ini, kita juga meneliti praperjanjian dengan beberapa pihak dan serahkan kepada Perbadanan Kemajuan Negeri Selangor untuk meneliti kerjasama pembangunan," katanya.

Beliau menjawab soalan wakil rakyat Bukit Gasing Rajiv Rishyakaran mengenai status pembangunan pelabuhan tersebut dalam sidang Dewan Negeri Selangor pada 28 Februari.

Amirudin berkata pembangunan pelabuhan itu dinyatakan kerajaan persekutuan sejak 2014 bagi memastikan Malaysia berupaya bersaing dengan penyedia perkhidmatan pelabuhan serantau.

Beliau menambah negara memerlukan rangkaian tersendiri dan tidak

boleh bergantung kepada Pelabuhan Utara dan Barat semata-mata kerana kawasan itu tidak mencukupi pada masa depan.

"Dari Pulau Carey ke Pelabuhan Utara, keluasan dianggar seperti Singapura. Saiz sebesar itu mampu menawarkan perkhidmatan jauh lebih baik dan premium."

"Jika tidak, kita hanya menjadi penyendal dan kapal-kapal dagang memilih pelabuhan lebih besar," katanya.

Sebelum ini, Menteri Pengangkutan Anthony Loke berkata pembangunan terminal ketiga di Pulau Carey bakal memberi nilai tambah sekitar RM40.2 bilion secara kasar menjelang 2060.

Flat Morib Anggun siap Disember

SHAH ALAM - Pembinaan projek Rumah Selangorku Pangsapuri Morib Anggun, Kuala Langat yang tergenda sebelum ini dijangka siap pada Disember, kata EXCO Perumahan Borhan Aman Shah.

Beliau menjelaskan pembangunan berkenaan tertangguh berikutan kelwatan pemaju membayar jaminan bank RM18 juta menyebabkan pentadbiran negeri terpaksa campur tangan.

"Atas budi bicara, Kerajaan Negeri

memberi kelonggaran, maka dengan sumber diberi, mereka dapat membayar jaminan bank kepada pihak utiliti," katanya.

Beliau menjawab soalan wakil rakyat Morib Rosnizan Ahmad berkaitan perkembangan projek Rumah Selangorku Morib dalam sidang Dewan Negeri Selangor di sini pada 1 Mac.

Borhan juga menjelaskan ada pelabur baru menyuntik dana manakala pengurusan tertinggi syarikat diganti

bagi memastikan kerja lapangan projek tersebut diteruskan.

Sebelum ini, Dato' Menteri Besar Dato' Seri Amirudin Shari memaklumkan masalah projek tersebut dibawa untuk campur tangan Kementerian Pembangunan dan Kerajaan Tempatan.

Mengikut laporan media, isu itu menjelaskan kira-kira 500 pembeli yang kebanyakannya terdiri daripada golongan berpendapatan rendah untuk memiliki rumah sendiri sejak 2020.

Klang dan Kuala Langat

Imsak	Subuh	Syuru'	Zuhur	Asar	Maghrib	Isyak
6:05	6:15	7:21	1:27	4:39	7:29	8:38
6:05	6:15	7:21	1:27	4:39	7:29	8:38
6:05	6:15	7:21	1:27	4:38	7:28	8:37
6:04	6:14	7:21	1:27	4:37	7:28	8:37
6:04	6:14	7:20	1:26	4:36	7:28	8:37
6:04	6:14	7:20	1:26	4:36	7:28	8:37
6:03	6:13	7:19	1:25	4:35	7:27	8:36
6:03	6:13	7:19	1:25	4:35	7:27	8:36

Sabak Bernam dan Kuala Selangor

Imsak	Subuh	Syuru'	Zuhur	Asar	Maghrib	Isyak
6:07	6:17	7:22	1:29	4:42	7:30	8:39
6:07	6:17	7:22	1:29	4:41	7:30	8:39
6:07	6:17	7:22	1:29	4:40	7:30	8:39
6:06	6:16	7:21	1:29	4:40	7:30	8:39
6:06	6:16	7:21	1:28	4:39	7:30	8:39
6:06	6:16	7:21	1:28	4:38	7:29	8:38
6:05	6:15	7:20	1:28	4:37	7:29	8:38



Tengku Amir Shah berkenan menyampaikan cek cura kepada juara qari Megat Mohammed Atiffalah (dua, kanan) sempena Majlis Tilawah dan Hafazan Al-Quran peringkat negeri di Shah Alam pada 1 Mac. Foto FIKRI YUSOF

Nor Ruzana kekal kejuaraan

Remaja johan hafazan

Oleh FITRI HAZIM HAZAM

SHAH ALAM - Qari berusia 16 tahun, Megat Mohammed Atiffalah Megat Mohammed Afiq, muncul johan Hafazan dan Tilawah al-Quran peringkat negeri dengan mengutip markah 97.35 peratus.

Nor Ruzana Natiah Jafar, 41, yang memperoleh markah 89.5 peratus pula pemenang qariah dalam pertandingan sama di Masjid Sultan Salahuddin Abdul Aziz Shah di sini pada 1 Mac.



Pengarah Jabatan Agama Islam
Selangor Dato' Mohd Shahzihan Ah-
mad berkata mereka akan mewakili
Selangor pada Majlis Tilawah al-Qu-
ran peringkat kebangsaan pada 23
hingga 28 Mei di Pahang.

"Ulasan hakim, bagi semua peserta berjaya mempersembah alunan tilawah al-Quran secara mujawwad menepati format penganiuran.

"Bagi peserta hafazan, hakim mendapati penguasaan tajwid semua peserta baik. Dari segi fasohah, penguasaan waqf dan ibtida' perlu dipertingkat," katanya lagi.

Duli Yang Teramat Mulia Raja Muda

Selangor Tengku Amir Shah berkenan menyampaikan hadiah wang tunai RM10,000, piala iringan dan nilai emas 20 gram kepada pemenang. Dato' Menteri Besar Dato' Seri Amirudin Shari mengiringi Baginda.

Sementara itu, Megat Mohammed Attifalah mengakui terkejut apabila namanya diumum sebagai johan keseluruhan kategori hafazan lantaran menyedari semua peserta memberi saingan hebat.

"Saya tidak jangka diumumkan sebagai pemenang memandangkan menghadapi saingan qari yang lebih berpengalaman.

"Kemenangan ini berkat amalan saya bangun tunaikan solat tahajud pada setiap jam 4 pagi, mohon doa diberi ketenangan supaya tidak gempar di pentas," katanya.

Nor Ruzana Natiah pula bersyukur atas kejayaan mempertahankan kejuaraan keseluruhan kategori tilawah untuk dua tahun berturut-turut.

"Saya gembira markah tahun ini lebih baik dari tahun lalu, ini menunjukkan ada peningkatan prestasi hasil latihan bersama Akademi Literasi al-Quran anjuran Jais," katanya.

Negeri lancar 60,000 rumah

SHAH ALAM - Sebanyak 37,008 daripada 60,843 unit Rumah Selangorku yang dilancar antara 2014 hingga 31 Januari siap dibina dan telah diserah kepada pembeli, kata EXCO perumahan.

Menjawab soalan wakil rakyat Bukit Gasing Rajiv Rishyakaran, Borhan Aman Shah dalam sidang Dewan Negeri Selangor berkata bakinya giat dibina termasuk 5,997 unit dijadual siap tahun ini.

"Sasaran pembinaan 200,000 unit menjelang 2029 dapat dicapai kerana rekod bilangan Rumah Selangorku yang mendapat kelulusan melebihi 60,000 setakat Januari," katanya pada 4 Mac.

Dalam perkembangan lain, Borhan menjelaskan RM7 juta diperuntuk pada tahun ini bagi membaik pulih pangsapuri usang menerusi Skim Baik Pulih Negeri Berkebajikan (Ceria).

Beliau juga menambah skim bawah pemantauan Lembaga Perumahan dan Hartanah Selangor (LPHS) dikhususkan untuk pangaspuri kos rendah dan sederhana.

Katanya, LHPS turut menyediakan pelbagai kegiatan bagi menceriakan penduduk antaranya laman hijau, rewang sekampung dan aspek kawalan termasuk pemasangan kamera litar tertutup.

67 juta penumpang bas percuma

SHAH ALAM - Lebih 67 juta penumpang menggunakan perkhidmatan Bas Smart Selangor sejak 2015, sekali gus memenuhi sasaran pelaksanaannya, kata EXCO Perumahan Borhan Aman Shah.

Beliau juga menjelaskan perkhidmatan tersebut disediakan bukan untuk meraih keuntungan sebaliknya bertujuan mengurangkan beban kewangan golongan berpendapatan rendah dan sederhana.

"Sebanyak RM15.03 juta dibelanjakan sepanjang tahun lalu bagi kos keseluruhan operasi termasuk penyelenggaraan," katanya ketika menjawab soalan wakil rakyat Sentosa Dr G Gunarajah.

Selangor memperuntuk RM5 juta tahun ini bagi mengoptimum penggunaan bas tersebut selain menambah van dan bas mini melalui perkhidmatan transit atas permintaan (DRT).

Sedia 681 pengecas kenderaan elektrik

SHAH ALAM - Sebanyak 681 unit pengecas kenderaan elektrik (EV) telah dipasang di seluruh negeri setakat ini, kata EXCO Alam Sekitar Jamaliah Jamaluddin.

Menjawab soalan dalam sidang Dewan Negeri Selangor (DNS) pada 29 Februari, beliau berkata bilangan berkenaan bertujuan memenuhi sasaran pembinaan 1,000 stesen menjelang 2025.

"Kerajaan Negeri dalam peringkat akhir perbincangan untuk memberi insentif bagi meningkatkan penggunaan kenderaan elektrik dengan menyebar luas skim parkir percuma," katanya.

Beliau menambah Majlis Bandaraya Shah Alam (MBSA) turut menjalankan projek rintis dengan menyediakan garis panduan berhubung pemasangan pengecas EV di seluruh Selangor.

Kaji enakmen ternakan liar

SHAH ALAM - Peruntukan enakmen sedia ada diteliti bagi memastikan kejadian haiwan ternakan berkeliaran hingga mengakibatkan nahas jalan raya tidak berulang.

EXCO Kerajaan Tempatan Dato' Ng Suee Lim menegaskan semakan tersebut perlu dibuat berikutnya berkenaan dianggap kritikal lantaran keselamatan orang awam terancam.

"Saya akan semak enakmen tersebut, mungkin denda yang ada terlalu kecil, kita akan perincikan untuk menaikkan denda. Kalau tidak, nanti tuannya abai juga jaga lembu," kata beliau pada 1 Mac.

Katanya, pihak berkuasa tempatan boleh bertindak bawah Seksyen 5(1) Enakmen Mengawal Lembu-Kerbau 1971 yang memperuntuk denda maksimum RM1,000 atau penjara hingga 12 tahun atau kedua-duanya.

Paras air tujuh empangan stabil

SHAH ALAM - Paras air tujuh empangan di Selangor berada pada kapasiti sekurang-kurangnya 85 peratus meski negara berdepan cuaca panas, kata EXCO Infrastruktur Ir Izham Hashim.

Menjelaskan paras tahap kritis bawah 70 peratus, beliau memberitahu kapasiti tiga empangan pada paras 85 peratus manakala bakinya lebih 90 peratus.

"Keadaan stabil dan hujan pun ada tetapi kita tetap mengambil langkah berjaga-jaga kerana kita jangka fenomena El Nino mula terasa pada suku kedua iaitu Jun," katanya pada 1 Mac.

Pada 29 Februari, Jabatan Meteorologi Malaysia (MetMalaysia) menyebut suhu tahap berjaga-jaga



ga dicatat 21 kawasan di negara ini termasuk ibu negara selain Petaling dan Sepang di Selangor.

Pokok Sena, Kedah pula merekod gelombang haba iaitu suhu maksimum hari-an antara 37 hingga 40 darjah Celcius sekurang-kurangnya tiga hari berturut-turut.

Elak kaedah pukul rata

Rumah kampung dikecuali cukai

Oleh SUHAILA SHAHRUL ANNUAR

SHAH ALAM - Pengecualian cukai tak-siran bersasar kediaman kampung dinikmati kelompok yang benar-benar memerlukan di kampung baru, kampung bagan, kampung tersusun dan kampung tradisi.



EXCO Kerajaan Tempatan Dato' Ng Suee Lim menjelaskan langkah tersebut menge-lakkan pendekatan pukul rata yang menjadi amalan pentadbiran negeri sebelum ini.

"Kita tidak mahu meneruskan legasi sebelum ini yang hanya beri pengecualian pukul rata dan pukal. Ini bukan

cara terbaik sebagai sebuah kerajaan yang bertanggungjawab.

"Walaupun Selangor tidak besar tetapi kita mahu perbetulkan urus tadbir satu persatu. Usah khatir sekali lagi saya tegaskan kita beri (pengecualian) kepada yang layak," katanya.

Beliau menjawab soalan ketua pembangkang yang juga wakil rakyat Hulu Kelang Dato' Seri Mohamed Azmin Ali mengenai pengecualian cukai bersasar kediaman kampung pada 28 Februari.

Menjawab soalan wakil rakyat Se-lat Klang Datuk Abdul Rashid Asari dalam sidang Dewan Negeri Selangor

pula, Suee Lim berkata pungutan cukai dijangka cuma melibatkan 98,483 rumah.

Beliau menambah pihak berkuasa tempatan di Selangor dijangka menerima kutipan RM11.2 juta menerusi cukai taksiran kediaman kampung pada tahun ini.

Pada 2 Februari, Kerajaan Negeri mengumumkan pemilik kediaman kampung yang memerlukan dan berpendapatan sederhana terus memikmati pengecualian cukai taksiran tahun ini.

Suee Lim berkata pemilik yang memenuhi syarat kelayakan boleh memo-hon mulai 1 Mac hingga 31 Mei dan se-tiap keputusan permohonan disemak mulai 1 September 2024.

Pembangkang sertai jawatankuasa

SHAH ALAM - Lima usul pindaan ahli jawatankuasa pilihan khas termasuk penglibatan wakil rakyat pembangkang diluluskan dalam Dewan Negeri Selangor (DNS) pada 29 Februari.

Ahli Dewan Negeri (ADN) Rawang Chua Wei Kiat dilantik menyertai Jawatankuasa Pilihan (JK) Pejabat Daerah dan Tanah menggantikan Lee Kee Hiong (Kuala Kubu Bharu).

ADN Gombak Setia Muhammad

Hilman Idham menganggotai JK Peraturan-peraturan Tetap, Dr Afif Bahardin (ADN Taman Medan) menyertai JK Pi- lihan Khas Mengenai Keupayaan, Ke- bertanggungjawaban dan Ketelusan (Selcat).

ADN Sungai Panjang Mohd Razali Saari pula menganggotai JK Pilihan Khas Mengenai Perubahan Iklim, Keba- jikan, Kesihatan, Pendidikan, Pembangunan Keluarga, Agama, Wanita dan

Kesejahteraan Hidup.

Selain mereka, wakil rakyat Semenyih Nushi Mahfodz menyertai JK Pilihan Khas Mengenai Pengurusan Air, Perti- nian, Infrastruktur dan Mobiliti.

Semua usul itu diluluskan Speaker DNS Lau Weng San selepas pem- bentangan Dato' Menteri Besar Dato' Seri Amirudin Shari bawah Peratu- ran Tetap 78 setelah melalui proses perbincangan.

Tiada kebocoran data SELangkah

SHAH ALAM - Maklumat periba-di pengguna yang tersimpan dalam pangkalan data aplikasi Langkah Masuk Dengan Selamat (SELangkah) tidak terjejas dan kekal selamat.

Menurut SELangkah Ventures Sdn Bhd yang membangunkan aplikasi itu, keselamatan dan privasi pengguna diberi keutamaan meski ada dakwaan pelanggaran data daripada sumber dalam talian.

"Kami ingin menjelaskan bahawa data yang dipersoal bukan daripada pangkalan data kami. Data peribadi yang disimpan dalam SELangkah tidak terjejas dan kekal terjamin."

"Kami ingin meyakinkan pengguna bahawa kami terus melaksana dan mengekalkan langkah terbaik untuk memastikan keselamatan data mereka," kata kenyataan.

Jaminan itu dibuat ekoran laporan The Star pada 26 Februari yang mendakwa berlaku penjualan data mem-babitkan lebih lima juta pengguna aplikasi berkenaan.

SELangkah yang dibangunkan pada 2021 membantu pengesanan kontak semasa pandemik Covid-19 dan fungsi-nya kini ditambah untuk mengakses pel-bagai inisiatif bawah Kerajaan Selangor.



Orang ramai membeli barang keperluan harian ketika Karnival Pertanian Madani Kota Raja 2024 di Wisma Kohijrah, Shah Alam pada 3 Mac. Foto FIKRI YUSOF

Jamin tiada kenaikan menjelang raya Harga produk JER kekal

Oleh SITI ROHAIZAH ZAINAL

SHAH ALAM - Harga jualan semua barang asas yang ditawarkan dalam program Jualan Ehsan Rahmah (JER) dijamin kekal tanpa sebarang kenaikan, kata EXCO Pertanian Ir Izham Hashim.

Beliau menjelaskan langkah sedemikian selaras hasrat pentadbiran negeri yang mahu meringankan beban rakyat ketika menyambut Ramadan dan perayaan Aidilfitri.

"Memang ada isu kenaikan harga dan penyelarasan program jualan tetapi kita berhasrat untukkekalkan harga lama sehingga satu masa lain. kita kekalkan harga lama," katanya.

Beliau ditemui ketika merasmikan Karnival Pertanian Madani Kota Raja 2024 di pekarangan Wisma Koperasi Warga Hijrah Selangor Berhad (Kohijrah) di sini pada 3 Mac.

Ir Izham memberitahu kekerapan program jualan murah menjelang Ramadan dan Aidilfitri akan dipertingkat bagi menampung keperluan rakyat khususnya umat Islam.

"Kita akan bincang lokasinya tetapi itu bukan isu kerana yang penting meningkatkan kekerapan jualan," katanya.

Dalam perkembangan lain, Ir Izham

berkata pusat lelongan produk pertanian di Sijangkang, Kuala Langat seluas dua ekar yang mengumpulkan pelbagai hasil tanaman dibuka menjelang Mei.

"Inisiatif ini terinspirasi selepas kita melawat Korea dan Jepun. Mereka mengumpulkan semua hasil tanaman di satu pusat yang boleh dibeli semua pengguna termasuk peniaga."

"Kita tidak mahu petani menge luarkan hasil tetapi tidak berterusan hingga bekalan terputus. Menerusi pusat ini, petani terus bawa hasil tanaman untuk dijual kepada pengguna," katanya.

Beliau menambah pusat lelongan berkenaan menawarkan harga lebih murah berbanding pasaran selain produknya bermutu tinggi dan segar.

Sementara itu, Kohijrah menyarak 80 trak membawa barang keperluan asas beroperasi tahun ini.

Pengurus Besar Kohijrah Mohammad Syukri Ismail memberitahu sasaran tersebut sebahagian usaha bagi membantu usahawan pengendali trak makanan.

"Kohijrah ada lebih lapan trak yang menjual makanan dan hasil laut. Kita sasar memperluas trak membawa keperluan harian pada harga murah mencapai 80 trak tahun ini," katanya.

750,000 peluang kerja baharu

SHAH ALAM - Sebanyak 750,000 pekerjaan baharu bakal diwujudkan di Selangor menjelang 2030 hasil transformasi digital melalui liputan 5G termasuk di kawasan luar bandar.

EXCO Pembudayaan Inovasi Dr Mohammad Fahmi Ngah menjelaskan pendigitalan tersebut berupaya meningkatkan Ke luaran Dalam Negara Kasar (KDNK) kira-kira RM150 bilion menjelang tahun itu.

Beliau berkata ia termasuk mencapai matlamat Pembangunan Serantau Bersepadu Selatan Selangor (IDRISS) dan Kawasan Pembangunan Sabak Bernam yang termuat dalam Rancangan Selangor Per tama .

Katanya, projek IDRISS yang menerima manfaat rangkaian 5G antaranya NCT Smart Industrial Park, Sepang Gold Coast, Sepang 2000, Selangor Business Capital dan Guocoland Emerald Sepang.

"Pelaksanaan rangkaian 5G salah satu tunjang penting dalam menzahirkan aspirasi Kerajaan Negeri," katanya di Dewan Negeri Selangor pada 4 Mac.

Dr Fahmi juga memberitahu peratusan liputan 5G di kawasan berpenduduk di Selangor mencapai 95.9 peratus setakat 31 Disember tahun lalu.

KILANG BERKEMBAR

3 TINGKAT Untuk Dijual



PERDANA
INDUSTRIAL PARK

@ PUCHONG



* Gambar adalah untuk tujuan ilustrasi sahaja

BUMIPUTERA DISKAUN 10%

Keluasan Tanah dari 9,100 k.p.

Keluasan Binaan 7,585 k.p.

Harga dari
RM4,980,000.00

016-661 1794



Tapak Projek



2.9438611,
101.6018333

Pemaju :

PERIKATAN PROGRESIF SDN BHD

198501004363 (136802-U)



- Berhadapan dengan jalan utama
- Lokasi yang strategik
- Berdekatan dengan Cyberjaya, Putrajaya dan Pusat Bandar Puchong
- Dikelilingi dengan kedai, sekolah, restoran, stesen minyak, klinik, pusat membeli-belah dan lain-lain kemudahan awam

Pejabat Jualan :

GF-13, IOI Business Park, No.1, Persiaran Puchong Jaya Selatan, Bandar Puchong Jaya, 47100 Puchong, Selangor.

Gambar merupakan karya pelukis semata-mata dan semua ukuran adalah secara anggaran. Informasi yang terkandung di sini adalah tertakluk kepada perubahan dan tidak boleh dianggap sebagai jadual resmi tawaran atau kontrak. Pemaju tidak boleh dipertanggungjawabkan jika terdapat sebarang bulir yang tidak tepat.

Bina pusat jagaan warga emas

SHAH ALAM - Majlis Bandaraya Shah Alam dan Majlis Bandaraya Petaling Jaya antara pihak berkuasa tempatan yang membangunkan rumah jagaan warga emas bagi memastikan kebajikan golongan itu terjaga.

EXCO Pembangunan Wanita Anfaal Saari berkata inisiatif sama turut dijalankan anak syarikat Kerajaan Negeri seperti Perbadanan Kemajuan Negeri Selangor dan Selgate Corporation.

"Ini sebahagian daripada matlamat pelaksanaan Rancangan Selangor Pertama (RS-1). Kerajaan Negeri juga sedang meneroka peluang kerjasama dengan pihak lain bagi memberi manfaat kepada warga emas di samping merangsang ekonomi negeri," katanya dalam sesi penggulungan titah ucapan Duli Yang Maha Mulia Sultan Selangor pada 4 Mac.

Jualan barang murah waktu malam

SHAH ALAM - Wakil rakyat Balakong mendangkan Jualan Ehsan Rahmah (JER) kendalian Perbadanan Kemajuan Pertanian Selangor (PKPS) diadakan selepas waktu bekerja.

Wayne Ong Chun Wei menjelaskan penganguran pada waktu malam memudahkan orang ramai yang bekerja pada waktu siang untuk membeli pelbagai barang keperluan harian.

"Saya juga ingin mencadangkan supaya jumlah barang asas yang dijual itu dapat ditambah supaya mencukupi permintaan pengunjung," katanya pada 1 Mac.

JER berlangsung antara jam 10 pagi hingga 1 tengah hari di beberapa lokasi terpilih setiap hari kecuali Jumaat dengan menawarkan barang antaranya ayam, daging pejal, telur dan minyak masak.

Tawar diskauh hingga 50 peratus

KLANG - Pengguna premium aplikasi GM Klang berpeluang menikmati potongan harga sehingga 50 peratus ketika membeli-belah di kedai terpilih pusat borong terbesar itu.

Pengurus kanan komunikasi jenama GM Klang berkata manfaat itu boleh dinikmati melalui program 'GM Klang Wholesale on Weekend Day' pada hujung minggu pertama (Sabtu dan Ahad) setiap bulan.

Menurut Norsuhaida Othman, seramai 30 penjual yang menawarkan barang antaranya pakaian, permainan, barang perkakasan rumah, snek dan kasut turut serta dalam program berkenaan.

"Pengguna juga mendapat e-baucar RM10 jika berbelanja RM100 di mana-mana kedai terpilih. Kedua-dua kelebihan ini hanya dinikmati pada dua hari tersebut (setiap bulan)," katanya pada 3 Mac.

Lancar kempen keselamatan anak

SHAH ALAM - Kempen keselamatan kanak-kanak dalam kenderaan akan dilancarkan membabitkan peranan pelbagai pihak pada 21 Mac, kata EXCO Kebajikan Masyarakat Anfaal Saari.

Beliau memberitahu inisiatif tersebut bertujuan meningkatkan kesedaran ibu bapa sekali gus mengelak berulang kejadian tidak diingini termasuk kematian kanak-kanak dalam kenderaan.

Katanya, pihaknya telah mengadakan pertemuan dengan polis pada 8 Februari diikuti sesi libat urus bersama semua pemegang taruh termasuk



Jabatan Kebajikan Malaysia pada 21 Februari.

"Ini antara keprihatinan Kerajaan Negeri kerana kematian kanak-kanak dalam kenderaan ibu bapa akibat terlupa mengakibatkan mereka menanggung emosi yang besar," katanya pada 28 Februari.

Beliau menjawab soalan taman wakil rakyat Meru Mariam Abdul Rashid berhubung inisiatif dalam menangani kes kematian kanak-kanak dalam kenderaan atau di rumah pengasuh.

Anfaal juga memaklumkan Dasar

Pembangunan Kanak-Kanak Selangor dan Pelan Tindakan 2022 hingga 2025 dilancar pada Mei tahun lalu bagi memberi perlindungan dan keselamatan kanak-kanak.

"Sembilan tindakan dirancang antaranya kerjasama pihak berkuasa tempatan dan polis untuk tingkatkan rondaan sekitar taman permainan dan rekreasi bagi memantau kanak-kanak," katanya.

Beliau juga berkongsi statistik menjayah kanak-kanak di Selangor sepanjang tahun lalu iaitu 190 kes membabitkan pengabaian diikuti penderaan (156 kes) dan keganasan seksual (146 kes).

Pembiayaan Hijrah bantu pengusaha

Bangkit buka semula pusat asuh

Oleh **SHEEDA FATHIL**

SHAH ALAM - Pengusaha pusat asuhan kanak-kanak memuji Yayasan Hijrah Selangor (Hijrah) yang memberi pembiayaan sekali gus membantunya bangkit dalam bidang pendidikan awal kanak-kanak.

Pemilik Little Bunny Child Care Centre mengakui beliau bangkit mengusahakan semula pusat asuhan dengan menyewa lot kedai selepas penutupan premis sulung hasil pembiayaan tersebut.

"Hijrah bantu saya menapak lebih jauh dalam bidang ini. Jika diberi rezeki, saya ingin buka lebih banyak pusat asuhan kanak-kanak pada masa

depan," kata Wan Nur Hidayah Wan Marzuki.

Beliau ditemui dalam perasmian Little Bunny Child Care Centre yang disempurnakan Muhammad Luqman Hasan, setiausaha kanan EXCO agama Islam & pembudayaan inovasi di sini pada 2 Mac.

Wan Nur Hidayah menambah pusat asuhannya memiliki lima tenaga pengajar bagi mengasuh 25 kanak-kanak berusia dua bulan hingga empat tahun.

"Setakat ini, 25 kanak-kanak berada di bawah jagaan kami dan kapasiti boleh memuatkan hingga 40



orang," katanya.

Sementara itu, Muhammad Luqman yang mewakili Dr Mohammad Fahmi Ngah memuji kesungguhan Wan Nur Hidayah bangkit kembali membuka semula pusat asuhan kanak-kanak.

"Aktiviti yang direncanakan seperti kemahiran sentuhan dan penyediaan permainan yang interaktif itu saya lihat amat bagus dan membantu perkembangan kanak-kanak."

"Selain itu, ia turut memberi kesenangan kepada ibu dan bapa terutama ketika bekerja, mereka tidak perlu bimbang lagi anak di bawah jagaan pengasuh terlatih," katanya.

Bangun projek tani dampak tinggi

KUALA SELANGOR - Perbadanan Kemajuan Pertanian Selangor (PKPS) mengenal pasti beberapa lokasi strategik bagi membangunkan projek pertanian berdampak tinggi dan penerangan moden.

Ketua pegawai eksekutif kumpulannya berkata projek dengan kerjasama Kementerian Pertanian dan Keterjaminan Makanan selaras usaha meningkatkan kadar sara diri komoditi makanan negeri ini.

Dr Mohamad Khairil Mohamad Razi menjelaskan usaha sama itu turut berperanan untuk memperkuuh agenda

jaminan bekalan makanan bawah kerangka Pelan Transformasi Agro Selangor (PETA).

Katanya, dana kementerian RM24 juta itu melibatkan projek pertanian antaranya penanaman jagung bijirin di Kuala Langat Selatan dan Rawang serta ladang lembu tenusu di Sungai Tengi.

"Ia termasuk projek tanaman kontan dan bernilai tinggi di Selangor Fruit Valley dan projek gedung makanan ehsan Selangor," katanya pada 25 Februari.

Beliau berkata kementerian itu juga berperanan sebagai pembiayaan program dan menyediakan kepakaran



teknikal manakala PKPS menyediakan tanah serta peserta untuk semua program itu.

"Kedua-dua organisasi juga memperkemas peranan dalam rantai bekalan bagi memastikan produk sampai kepada rakyat pada harga berpatutan," katanya.

Pada 21 Januari, PKPS menuai 118 tan hasil pertama jagung bijirin berkualiti tinggi yang ditanam tahun lalu melibatkan kawasan seluas 16.9 hektar.

Projek julung kali Kerajaan Selangor itu bertujuan mengurangkan kebergantungan kepada import makanan ayam, sekali gus mengurangkan atau menstabilkan harga ayam di negeri ini.



Puasa
sihatkan
tubuh
14



Darjah satu
tawan
menara
16

Puasa asuh akhlak



MARWAN BUKHARI A HAMID
ialah penulis dan penterjemah.
Lulusan Universiti Yarmouk,
Jordan dan Universiti
Sains Islam Malaysia

Salah satu tetamu istimewa yang akan sering hadir setiap tahun ialah Ramadan yang merupakan bulan seribu pengajaran. Ibadat utama pada Ramadan ialah puasa, dalam masa bulan ini turut dimakmurkan dengan ibadat solat tarawih, sedekah, bacaan al-Quran memberi makan kepada orang yang berbuka puasa dan juga zakat fitrah.

Apakah maksud puasa? Kalimat al-Sawm (puasa) menurut Imam al-Raghib al-Asfahani asalnya bererti “menahan daripada perbuatan; sama ada makan, bercakap atau berjalan. Untuk itu, kuda yang ditahan daripada berjalan, atau makan disebut sebagai sa-im (yang menahan diri).”

Tetapi, makna puasa tidak terhad kepada menahan diri dalam bentuk fizikal sahaja. Islam mendatangkan makna dan hikmah di sebalik sesuatu ibadat yang disyariatkan.

Oleh itu, ketika menyebut tentang perintah puasa, al-Quran menyebut bahawa tujuannya supaya orang-orang yang berpuasa itu bertakwa kepada Allah SWT. Firman Allah:

“Wahai orang-orang yang beriman! Kamu diwajibkan berpuasa sebagaimana diwajibkan atas orang-orang yang dahulu daripada kamu, supaya kamu bertakwa.” (al-Baqarah: 183)

Makna takwa disebut dengan jelas sebagai matlamat yang muah dicapai di sebalik ibadat puasa. Mengapa disebut “supaya kamu bertakwa?”

Allama Muhammad Abdullah Diraz menyebut dalam al-Sawm: Tarbiyah wa Jihad bahawa ayat tersebut tidak menyebut “supaya kamu sakit” (melihat kepada sesetengah tradisi beragama yang mengaitkan pengalaman kerohanian dengan menyakiti diri sendiri), “supaya kamu sihat” atau “supaya kamu bersederhana (sekalipun kesihatan dan bersederhana itu antara hikmah daripada amalan puasa)”.

Sebaliknya Tuhan “menjadikan puasa sebagai pengalaman kerohanian dan akhlak. Selain itu, Tuhan muah puasa menjadi jalan untuk mencapai sifat-sifat golongan bertakwa dan menjadi alat untuk memperoleh ketakwaan.”

Menurut perspektif Islam, takwa pencapaian tertinggi dalam dunia kerohanian, bahkan dunia kemanusiaan.

Oleh yang demikian kita melihat, al-Quran (dan juga beberapa hadis) menyebut bahawa kemuliaan manusia itu diukur berdasarkan ketakwaan (Al-Hujurat: 13).

Takwa juga konsep yang praktikal dan bukan sekadar tentang kelazatan kerohanian. Contohnya



Foto HAFIZ OTHMAN

dalam surah al-Maidah, ayat 8 menyebut: “Berlaku adillah, kerana perbuatan adil itu lebih dekat kepada takwa.”

Boleh dinyatakan bahawa menurut kerangka Islam, persoalan ketakwaan terletak pada sejauh mana kesan baiknya dalam kehidupan keduniaan.

Hal ini berbeza dengan ukuran kerohanian lain seperti pengalaman dan perjalanan kerohanian lebih dikaitkan dengan pengasingan diri daripada masyarakat dan persekitaran.

Iman dan rohani

Bertanya tentang kualiti ketakwaan ialah bertanya tentang sejauh mana kita melakukan tindakan berakhlaq dalam kehidupan. Akhlak dengan Allah, manusia dan alam.

Konsep pengasingan diri secara mutlak tiada dalam konsep kerohanian Islam. Adapun memperuntukkan masa menyendiri itu amat erat dengan kerohanian; iaitu waktu berhenti daripada kebiasaan, merenung kehidupan dan sentiasa menghitung kekurangan diri untuk dibaiki.

Sebagai contoh, solat dan galakan untuk berzikir yang mengakar dalam tradisi Islam.

Disebabkan itu, kita mendapat ukuran keimanan dan kekuatan kerohanian menurut kerangka Islam berkait dengan sejauh mana mutu interaksinya dalam kehidupan.

Al-Quran dan hadis berulang kali mengingatkan kehidupan sebagai bumi ujian, justeru untuk hidup adalah untuk bersedia dan proaktif mendepani pelbagai cabaran dan ujian.

Satu lagi makna kerohanian di sebalik amalan ibadat termasuk puasa ialah disiplin diri. Puasa menekankan agar kita “menguasai diri”.

Bukan sekadar dengan menahan diri daripada makan dan minum, malah juga dengan menjaga

pandangan, lisan, pendengaran dan seluruh anggota badan daripada perkara yang membawa dosa.

Dalam Bidayah al-Hidayah, Imam al-Ghazali berkata:

“Apabila berpuasa, janganlah kamu menyangka puasa itu hanya meninggalkan makan, minum dan hubungan intim sahaja. Rasulullah SAW bersabda: “Betapa ada orang yang berpuasa, tiada baginya apa-apa daripada puasanya kecuali lapar dan dahaga.”

Malah, penyempurna puasa itu adalah dengan menahan seluruh anggota badan daripada perkara yang dibenci oleh Allah. Kamu hendaklah memelihara mata daripada memandang perkara-perkara yang dibenci, memelihara lisan dari menyebut dengan apa yang tidak bermanfaat dan memelihara telinga dari mendengar apa yang Allah Ta’ala haramkan kerana pendengar merupakan rakan kongsi kepada pengumpat.

Demikianlah kamu menahan seluruh anggota badan sepertimana kamu menahan perut dan kemaluan!”


Sekiranya persoalan makna dan rahsia terabai dalam melakukan ibadat puasa, maka hal itu akan menyebabkannya terisi dengan hal-hal lain yang bertentangan dengan tujuan asal pensyariatan ibadat berpuasa dan penganugerahan bulan penuh berkat bernama Ramadan.

Ramadan dan puasa hanya contoh kecil. Hakikatnya renungan terhadap hakikat beragama secara besar-besaran perlu dilakukan demi pembangunan kerohanian yang memberi impak gemilang terhadap kemanusiaan.

Tanpa menghayati makna, ibadat kita tinggal menjadi adat yang dilalui setiap tahun tanpa meninggalkan sebarang kesan kepada diri.



Sultan Utsmaniah terakhir Mehmed VI (kiri, depan) berdoa bersama Sheikh al-Islam Nuri Efendi (tengah) dan Perdana Menteri Ahmed Tevfik Pasha (tiga, kanan) sebelum meninggalkan Istanbul menaiki kapal HMS Malaya pada 17 November 1922



Terkuburnya khilafah

Empayar Utsmaniah terbentang di tiga benua – barat Asia, utara Afrika dan tenggara Eropah – selama lebih 600 tahun sejak diasaskan oleh tokohnya Osman Ghazi pada hujung abad ke-13 di Anatolia.

Selepas fasa keemasan pada kurun ke-15 dan ke-16, kekuatan empayar ini perlahan-lahan menyusut dan terpaksa berdepan saingan negara-negara Eropah yang sedang bangkit dan meluaskan kuasa.

Abad ke-19 menyaksikan kemerosotan lebih ketara pengaruh Utsmaniah walau tanda-tanda awal sudah muncul 50 hingga 100 tahun sebelum itu. Memasuki abad ke-20, empayar yang kian mengelici itu tidak dapat diselamatkan lagi.

Tewas dalam Perang Dunia Pertama, wilayahnya yang besar diracik-racik kuasa Barat, khususnya Britain dan Perancis.

Pemberontakan wilayah kecil bawah penguasaannya semakin kuat. Umat Islam sendiri termasuk Arab bekerjasama dengan kuasa penjajah Eropah. Kaum Turkiye Muda menentang sistem lama, sekali gus menoktahkan khilafah pada 3 Mac 1924.

Empat punca utama kemerosotan itu dianalisis ilmuwan Turkiye, profesor M Sukru Hanioglu, dalam bukunya *A Brief History of the Late Ottoman Empire*.

Merujuk pergolakan di dalam dan luar empayar tersebut antara 1798 hingga 1918, lulusan doktor falsafah Universiti Istanbul itu menyelongkar arus kemerosotan dalam tempoh kira-kira 150 tahun.

Perkara yang disentuh antaranya kelemahan reformasi ekonomi, pentadbiran cacamarba, pertembungan golongan nasionalis sekular dengan agamawan konservatif dan kepelbagai etnik dalam empayar itu.

Perbahasan menarik sejarahwan Universiti Princeton itu diterjemah Inisiatif Buku Darul Ehsan (IBDE) dengan kerjasama Media Selangor Sdn Bhd menerusi pembiayaan Kerajaan Selangor.

Pengarah Eksekutif IBDE Farhan Affandi menjelaskan kenapa buku ini dipilih, manakala penterjemah Puspawati Rosman berbicara tentang proses penghasilan Detik-Detik Akhir Empayar Utsmaniah.

Kenapa pilih buku tulisan M Sukru Hanioglu?

Buku ini dicadangkan oleh IBDE yang pernah membacanya. M. Sukru Hanioglu seorang sarjana dalam sejarah Utsmaniah dan seorang profesor di Jabatan Pengajaran Timur Dekat, Universiti Princeton. Beliau sangat aktif menulis dalam bahasa Turkiye dan Inggeris.

Berdasarkan kajian IBDE buku tulisannya mendapat ulasan yang baik daripada pembaca. Justeru IBDE ambil keputusan untuk menterjemahkan bukunya ke dalam bahasa Melayu pula untuk manfaat kita semua.

Farhan: *A Brief History of the Late Ottoman Empire* dipilih kerana nilai perbahasan yang ditawarkannya adalah sangat tinggi. Buku ini ditulis oleh seorang sarjana dan sejarawan yang terkenal dari Turkiye.

Bagi sesiapa yang mengkaji dan sering mengambil iktibar daripada sejarah dan politik

Turkiye, nama beliau memang tidak asing.

Dalam buku ini, kita mengenali beliau sebagai seorang sarjana yang luas pengetahuannya dan lebih penting, beliau memaparkan pandangannya dengan seobjektif mungkin, biarpun kita tahu bahawa sangat sulit untuk berbuat sedemikian lebih-lebih lagi beliau adalah orang dalam.

Hanioglu menawarkan penjelasan tentang kerumitan sejarah, politik, dan budaya empayar Utsmaniah pada abad-abad terakhinya.

Beliau meneliti perubahan-perubahan ekonomi yang terjadi sepanjang tempoh itu dan memberi penekanan terhadap cara empayar Utsmaniah menangani cabaran-cabaran kemodenan.

Untuk memahami Turkiye moden, pemahaman terhadap sejarah abad-abad terakhir itu adalah penting, sama pentingnya kalau kita ingin memahami sejarah Eropah dan dunia!

Buku ini beliau tulis setelah beliau melakukan kajian mendalam—dengan menggali sumber-sumber asal daripada arkib—bagi menjelaskan apa yang sebenarnya terjadi, bukan seperti apa yang digambarkan oleh naratif-naratif nasionalis pasca-penjajahan.

IBDE berminat untuk meneroka lebih banyak buku tentang sejarah dunia dan Islam khususnya, jadi buku *A Brief History of the Late Ottoman Empire* adalah pilihan terbaik untuk diterjemah dan diterbitkan pada kali ini.

Boleh ceritakan bagaimana proses awal menterjemah buku ini?

Saya baca dulu buku ini sepantas lalu supaya mudah memahami arah tuju dan maksud yang ingin disampaikan. Saya juga kenal pasti beberapa istilah khas dan perkataan yang kerap digunakan penulis asal dalam buku ini dan buat kajian maksud yang sesuai dan sepadan dalam bahasa Melayu.

Selain daripada itu saya juga buat sedikit draf



awal, kemudian menghantarnya kepada editor buku ini iaitu saudara Aedi Asri dan berbincang dengannya tentang pendekatan dan gaya bahasa yang sesuai digunakan untuk buku ini. Selepas itu proses penterjemahan jadi lebih mudah dan lancar.

Apakah cabarannya, sama ada dari segi bahasa atau lain-lain?

Dalam penterjemahan, saya lebih suka mengekalkan nada asal penulis asal. Begitu juga dengan keadaan fikirannya. Contohnya ketika menterjemah buku Anne Frank (Diari Seorang Gadis) saya menggunakan gaya bahasa yang lebih mudah, ringkas yang mencerminkan penulis asalnya yang berusia 13-15 tahun.

Ketika menterjemah buku ilmiah pula saya menggunakan gaya yang lebih sesuai. Dari segi ini cabarannya ialah cuba memahami penulis asal itu sendiri serta pembaca sasaran. Selain daripada itu ada juga cabaran dari segi lengkok bahasa yang digunakan penulis asal. Adakala buku asal menggunakan perkataan yang agak kasar dan ada juga yang sensitif dari segi agama.

Tugas saya sebagai penterjemah ialah mengenal pasti dan memahami pembaca sasaran serta mencari perkataan yang sesuai untuk khalayak pembaca tanpa mengubah maksud dan tujuan penulis asal. Istilah-istilah khas seperti kata nama, istilah khas bidang-bidang tertentu seperti sains dan undang-undang juga haruslah diterjemahkan dengan tepat jadi perlu buat sedikit kajian.

Ketika menterjemah buku Utsmaniah ini yang merupakan ringkasan sejarah sepanjang satu setengah abad, ada topik yang cuma disentuh sedikit sahaja oleh penulis asal.

Namun walaupun sedikit, penting bagi saya memahami konteks sebelum menggunakan perkataan atau membentuk ayat yang sesuai. Jadi saya perlu buat rujukan sendiri mengenai topik yang disentuh melalui bahan-bahan bacaan lain, merujuk ucapan, peta dan sebagainya.

Ada ilmu baharu yang perolehi?

Berkait dengan jawapan kepada soalan sebelum ini — sepanjang menterjemah buku ini banyak yang saya pelajari tentang empayar Utsmaniah dan sosok-sosok yang terlibat, walaupun tidak disebut secara terperinci di dalam buku tetapi melalui bacaan tambahan yang perlu saya lakukan supaya dapat menterjemah dengan tepat.

Berapa lama proses terjemahan?

Untuk buku ini, garis masa yang diberi IBDE kepada saya ialah selama lima bulan untuk draf pertama dengan lima kali hantaran secara berperingkat bagi memudahkan proses suntingan oleh editor.

Kemudian tambah tiga bulan lagi untuk proses semakan selepas suntingan dan draf akhir. Jadi semua sekali lapan bulan (dari Februari 2023 hingga Oktober 2023).

Apa pengajaran yang boleh pembaca ambil iktibar?

Pengajaran dari segi pemerintahan dan pentadbiran sesebuah negara — faktor dan cabaran yang perlu diambil kira ketika melaksanakan sesuatu reformasi, pemodenan atau pemusatan dalam pentadbiran.

Kesederhanaan yang perlu diamalkan ketika menganuti atau mengikuti sesuatu aliran pemikiran. Perlunya pengurusan ekonomi dan kewangan negara yang bijak dan berhemah. Karya ini juga ada menyentuh mengenai peranan



Pemecahan empayar asal Utsmaniah selepas Perjanjian Sèvres pada 1920. Peta diambil daripada muka surat 274-275 buku Detik-Detik Akhir Empayar Utsmaniah

penjawat awam dan tentera serta peranan mereka dalam kerajaan.

Bagaimana perasaan ketika menemui fakta baharu atau mengejutkan?

Secara umumnya penulis membincangkan secara objektif berdasarkan kepada kajian sejarah. Jadi saya tidak begitu terkesan dari segi emosi.

Kepadatan kandungan fakta dalam buku ini membantu pembaca fokus pada nilai-nilai yang objektif berbanding subjektif.

Namun saya ada juga berasa sedikit jengkel apabila membaca reaksi dan layanan kuasa-kuasa Barat terhadap empayar Utsmaniah yang pada ketika itu sedang berusaha untuk menyertai Penstrukturran Eropah.

Bahagian mana yang paling menarik?

Bagi saya bahagian yang paling menarik ialah cabaran yang dihadapi Utsmaniah untuk melakukan reformasi dalam pentadbiran, membentuk perlembagaan dan parliment di empayar tersebut.

Di sini juga kita dapat lihat bagaimana pemerintah pada zaman itu cuba memanipulasi undang-undang dan perlembagaan demi kepentingan mereka sendiri.

Saya juga tertarik membaca bagaimana sesebuah bahasa itu boleh menyatukan atau memecahkan struktur masyarakat dalam sesebuah empayar, atau negara.

Contohnya ketika zaman pemerintahan Utsmaniah kebanyakannya besar menggunakan bahasa yang langsung tidak difahami oleh masyarakat bawahan sehingga usaha pemiaian dilaksanakan.

Selain daripada itu, agak menarik membaca kajian dan pandangan penulis mengenai gerakan Turkiye Muda.

Mengapa setiap rumah perlu ada buku ini?

Pada pendapat saya buku ini boleh dibaca oleh sesiapa sahaja yang berminat untuk mengetahui sejarah zaman akhir empayar Utsmaniah. Kandungannya mudah dibaca bahkan oleh pembaca yang belum pernah mendalam sejarah Utsmaniah.

Meskipun buku ini boleh dikatakan ringkasan sejarah yang panjang (yang mencakupi tempoh selama satu setengah abad), ia sesuai dijadikan bacaan pemula sebelum pembaca mencari bahan bacaan lain yang lebih terperinci.

Buku ini juga menarik kerana penulis berkongsi banyak bahan kajian yang ditemuiinya sepanjang membuat penyelidikan untuk menulis buku ini.

Majlis Daerah Sabak Bernam

- Hadapan Pasar Awam Sekinchan
- Jalan Bunga Matahari, Sungai Besar
- Dataran Usahawan, Sabak
- Dataran Tanah Lesen, Parit Baru
- Pekan Pasir Panjang

Majlis Perbandaran Hulu Selangor

- Antara Gapi, Serendah
- Jalan Kantan, Bukit Beruntung
- Jalan Seroja, Bukit Sentosa
- Jalan Telipot, Bukit Sentosa
- Sebelah Medan Selera Sungai Buaya
- Tapak Pasar Pagi Taman Seri, Batang Kali
- Tapak Pasar Malam Bukit Sentosa
- Tapak Penjaja JRD, Jalan Ara Batang Kali

Majlis Perbandaran Kuala Selangor

- Hadapan IADA, Kuala Selangor
- Hadapan Lotus Kuala Selangor
- Jalan KP/1 Putus Bandar Tanjong Karang
- Medan Selera MPKS Jalan Bomba Tanjong Karang
- Jalan Naluri Sukma Puncak Alam
- Hadapan Balai Raya Saujana Utama
- Jalan Sejati 1, Kampung Ijok, Ijok
- Jalan DC 4/5 Desa Coalfields
- Tapak Pasar Awam Lama Sungai Buloh
- Astana Alam Fasa 3 Puncak Alam
- Alam Jaya Puncak Alam
- Jalan Dataran Suria 15/7/1 Puncak Alam

Majlis Perbandaran Selayang

- Jalan 2, Bandar Baru Selayang
- Jalan Indah, Selayang Indah
- Jalan SU11, Taman Selayang Utama
- Jalan E 3/8 Taman Ehsan
- Tapak pasar malam Jalan 1, Taman Batu Caves
- Jalan PS 10, Prima Selayang
- Laman Niaga Taman Selayang Mutiara
- Kampung Bahtera, 68100 Batu Caves
- Jalan SG 3/6 & Jalan SG 3/7 Taman Seri Gombak
- Tapak pasar malam Pinggiran Batu Caves
- Jalan Samudra Timur, Taman Samudra
- Dataran Shell Greenwood, Jalan 10 Taman Greenwood
- Sebelah tapak pasar malam Sungai Pusu, Gombak Utara
- Tempat letak kereta Masjid Nurul Yaqin, Kampung Melayu Sri Kundang
- Tapak pasar malam Kampung Melayu Sungai Buloh
- Tasik Biru Kundang
- D'Laman Naluri, Lorong Setia 12, Kampung Setia, Kundang
- Jalan BBK 1/7
- Dataran Niaga Tun Teja, Rawang
- Pintu Gerbang Kampung Batu 16 Rawang
- Kawasan letak kereta Tasik Taman Bersatu
- Jalan SR 4/1F, Saujana Rawang
- Puteri Central Park, Bandar Tasik Puteri
- Tapak Segi Tiga Medan Puteri
- Rawang Intergrated (hadapan 99 Speedmart)
- Jalan Desa 9/1A, Bandar Country Homes
- Bandar Rawang (sebelah Cawangan MPS Rawang)
- Amansiara
- Persiaran Anggun City 2

Hadis menyebut:
Bagi orang yang berpuasa,
dia akan memperoleh dua
kegembiraan. Pertama, kegembiraan
ketika dia berbuka puasa dan kedua
kegembiraan ketika dia bertemu Tuhanmu.
Sudah menjadi budaya, umat Islam di
Selangor membeli pelbagai juadah berbuka di
bazar Ramadan.

Berbeza daripada bulan lain, Ramadan
menawarkan bermacam-macam hidangan
unik dan menarik yang membuka selera.
Wartawan NADIAH ZAMLIUS
menyenaraikan lebih 200 lokasi bazar
kelolaan 12 pihak berkuasa tempatan tahun ini.

- Surau As Siddiqin, Medan Puteri
- Simpang ke Seksyen 8, Kota Puteri
- Jalan Bandar Rawang 9 (sebelah hentian bas Rawang)
- Jalan Hijau 5/1 dan 5/6 Green Valley Square

Majlis Bandaraya Petaling Jaya

- SS 6/1, Kelana Jaya
- Seksyen 17/1A
- SS 8, Sungai Way
- Seksyen 14/27 (Pasar Seksyen 14)
- Kampung Lindungan PJS 6/3
- Desa Mentari, PJS 6/5
- Seksyen 8, Sungai Jernih
- Lembah Subang
- Kampung Sungai Kayu Ara
- Seksyen 7, Kota Damansara
- Apartment Vista Business Centre, Damansara Damai
- Prima Damansara
- Jalan Kenyalang 11/1, Kota Damansara
- Jalan Cemara SD 3/2A, Bandar Sri Damansara
- Jalan Meranti, SD13/4, Bandar Sri Damansara

Majlis Bandaraya Subang Jaya

- USJ 4, Subang Jaya
- USJ 7, Subang Jaya
- Pinggiran USJ
- Batu 3, Shah Alam
- SS 19, Subang Jaya
- PJS 9/1A, Bandar Sunway
- Taman Puchong Indah
- Taman Puchong Prima
- Dataran Niaga Puchong Permai
- Taman Puchong Utama
- Bandar Bukit Puchong
- Jalan Kempas, Kampung Tengah
- Jalan SP 3, Persiaran Saujana Puchong
- Panggupi Sri Begonia
- Balai Masyarakat Bukit Lanchong
- Jalan BK 5A/1, Bandar Kinrara 5
- Taman Kinrara
- Taman Seri Serdang
- Taman Equine
- Taman Puncak Jalil
- Jalan LEP 1/1C, Lestari Putra
- Taman Serdang Raya
- Jalan LP 7/2, Taman Lestari Perdana
- Jalan BPP 5/9, Bandar Putra Permai

Majlis Bandaraya Diraja Klang

- Lorong Haji Umar, Pulau Indah
- Taman Kem, Pelabuhan Klang
- Jalan Petola, Kampung Raja Uda
- Flat Samudera, Pulau Indah
- Jalan Sungai Chandong 8, Bandar Armada Putra, Pulau Indah
- Pasar Awam Telok Gong
- Pandamaran Jaya, Jalan 9
- Taman Pandamar Indah 2
- Panggupi Seri Perantau, Pandamaran
- Jalan Sri Sarawak, Klang Selatan
- Bukit Tinggi depan Flat Bukit Tinggi, Jalan Batu Nilam 34
- Simpang Empat, Sungai Udang

- Kampung Delek, Klang Selatan
- Flat Sri Bayu
- Taman Setia, Johan Setia
- Tapak penjaja Bandar Putera 2
- Jalan Penghulu Abu Bakar
- Jalan Kota Raja, Klang Selatan
- Taman Rakyat, Klang Selatan
- Jalan Kluang, Klang Utara
- Jalan Bukit Kuda, Klang Utara

Nikmat aneka juadah iftar

**Majlis Perbandaran Kuala Lumpur**

- Jalan Keretapi Lama, Batu 4 Jalan Kapar
- Jalan Gudang Nenas
- Bandar Baru Klang, Jalan Tiara
- Bandar Sultan Suleiman (dekat masjid)
- Taman Bunga Melor
- Taman Sri Pekan, Klang Utara
- Lorong Musran, Rantau Panjang
- Taman Meru Indah (hadapan Speedmart)
- Jalan Paip, Pekan Meru
- Taman Meru 4
- Taman Dato Bandar, Meru
- Tempat letak kereta, Jalan Makyon
- Jalan Raja Mokhtar, Kapar
- Taman Sungai Kapar Indah, Kapar
- Taman Cempakasari, Kapar
- Kampung Tok Muda, Kapar
- Klang Perdana, Kapar

Majlis Perbandaran Ampang Jaya

- Padang Perbandaran MPAJ, Pandan Indah
- Kompleks Muhibbah, Taman Nirwana
- Tempat letak kereta Jalan Pandan 3, Pandan Jaya
- Tempat letak kereta Jalan Melawati 1A, Taman Melawati
- Jalan AU1D, Keramat Permai
- Jalan AU2, Keramat
- Jalan AU5, Keramat (TLK hadapan medan selera)
- Jalan E1, Taman Melawati
- Taman Permati, Hulu Kelang

- Taman Sri Bayu, Lembah Jaya
- Bukit Indah, Lembah Jaya
- Jalan Ukay Perdana 1, Ukay Perdana
- Bandar Baru Ampang
- Jalan Wangsa 2, Bukit Antarabangsa
- Permai Court, Taman Dato' Ahmad Razali
- Pandan Cahaya, Bukit Antarabangsa

Majlis Perbandaran Kajang

- Jalan Jenaris 2A Desa Sri Jenaris
- Jalan Bunga Kantan 1 Taman Bunga Kantan
- Taman Delima (sepanjang jalan menghala ke SMAP)
- Prima Saujana, tanah milik persendirian Dataran Prima Saujana
- Reko Sentral, Jalan Reko Sentral 2
- Taman Jasmin, Jalan Jasmin
- TTDI Grove, Jalan TTDI Grove 1
- Bandar Seri Putra, Jalan Seri Putra 1/3, Bandar Seri Putra
- Bandar Bukit Mahkota, Jalan BM 4/1 Seksyen 4, Bandar Bukit Mahkota
- Kajang Sentral, Jalan TKS1
- Pekan Bangi, Jalan 1, Taman Bangi Permai

Majlis Perbandaran Sepang

- Kosmopleks
- Sungai Pelek
- Sungai Merab
- Desa Pinggiran Putra
- Dengkil
- Dengkil Jaya
- Cyberjaya
- Kota Warisan
- Taman Mas
- Taman Putra Perdana

Lapar sihatkan tubuh



Penyelidik di Universiti
Teknologi Mara,
DR ZAMIR MOHYEDIN
seorang ahli fizik yang
menulis lapan buku

Bulan Ramadan yang kunjung tiba tidak lama lagi menandakan umat Islam akan berpuasa selama sebulan.

Setiap hari dalam bulan Ramadan, umat Islam diwajibkan menahan diri daripada makan, minum serta melakukan perkara yang membatalkan puasa dari terbit fajar hingga terbenam matahari.

Perkara yang kita kena jelas ialah amalan berpuasa bukanlah datang daripada suruhan agama Islam semata-mata.

Ia tidak muncul selepas Islam mewajibkan umatnya berpuasa.

Ia mula diamalkan sekurang-kurangnya sejak zaman Yunani Purba lagi bagi tujuan rawatan dan ritual.

Pada zaman sekarang pun, tidak kurang orang berpuasa demi kesihatan semata-mata, bukan sebab ibadah – perkara ini tidak salah pun.

Bagi membincangkan manfaat berpuasa dari sudut kesihatan, kita sebagai umat Islam kena jelas bahawa kita berpuasa kerana agama mewajibkannya, kerana Allah perintahkan, bukannya kerana terdapat kebaikan kesihatan padanya.

Manfaat kesihatan melalui amalan berpuasa tidak dapat dinafikan.

Dari 2018 hingga ke 2020, seramai 209 orang terlibat dalam kajian kesan puasa sela (intermittent fasting) terhadap perubahan glukos dalam badan.

Kajian diterbitkan pada 2023 oleh Nature Medicine. Hasilnya menunjukkan puasa sela sebanyak tiga kali seminggu berupaya mengurangkan risiko diabetes.

Amalan ini menjadikan tubuh badan kita dapat mengurangkan rintangan insulin, seterusnya gula dapat dihantar ke sel-sel tubuh badan kita dengan lebih cekap.

Selain itu, puasa sela juga dapat meningkatkan metabolisme lemak tepu, sekali gus menambah baik tekanan darah dan mengurangkan berat badan.

Kemudian, menjadikan puasa sebagai rutin kehidupan dapat mengurangkan kolesterol. Perkara-perkara ini secara tidak langsung dapat

mengurangkan risiko sakit jantung dan angin ahmar.

Puasa mungkin amalan yang terbaik untuk mengurangkan berat badan.

Malah, kajian pada 2022 dari China menunjukkan berpuasa jauh lebih cekap untuk menurunkan berat badan berbanding mengamalkan kawalan pengambilan kalori.

Lazimnya kita kawal kuantiti makanan untuk kawal pengambilan kalori bagi mengawal berat badan tetapi berpuasa amalan yang jauh lebih baik.

Tambahan lagi, kajian lain pada 2020 dari Sepanyol menunjukkan berpuasa dapat mengurangkan lemak tubuh dan buncit pada perut.

Jadi terapi

Kajian pada 2018 menunjukkan amalan berpuasa dapat mengelakkan kita daripada hilang ingatan yang berkait dengan penyakit Alzheimer.

Kajian pada 2019 mencadangkan puasa dapat menjadi terapi untuk penyakit mental seperti keresahan, kemurungan (depression) dan

penyakit neurosot (neurodegenerative) seperti Parkinson.

Namun, kajian-kajian ini hanya diuji ke atas haiwan iaitu tikus. Kajian lanjut perlu dibuat untuk melihat sejauh mana kesan amalan berpuasa ke atas kesejahteraan otak dan mental manusia.

Dalam badan kita mengandungi hormon yang bertujuan untuk pertumbuhan tulang, otot, ketinggian, meningkatkan sintesis protein, merangsang sistem imun, meningkatkan rintangan insulin dan pelbagai lagi.

Hormon ini dipanggil sebagai hormon pertumbuhan yang memainkan peranan sangat penting bagi keseluruhan pertumbuhan tubuh kita.

Kajian menunjukkan amalan berpuasa dapat meningkatkan paras hormon ini.

Berpuasa selama sekitar 38 jam dapat meningkatkan hormon pertumbuhan sebanyak 10 kali ganda dan mengurangkan kadar metabolik.

Amalan berpuasa dapat meningkatkan pelbagai jenis bakteria baik dalam usus kita termasuklah bakteria christensenella yang berkait dengan kelanjutan umur kita.

Dengan kata lain, kajian mencadangkan berpuasa dapat memanjangkan umur dan dapat membuatkan kita lambat mendapat penyakit.

Kajian ini juga masih di peringkat haiwan. Kajian lanjut perlu dibuat untuk melihat impak amalan berpuasa ke atas kelanjutan umur manusia.


Akhir sekali kajian juga menunjukkan amalan berpuasa dapat mencegah barah dalam situasi-situasi tertentu.

Berpuasa mungkin dapat mengurangkan pertumbuhan tumor dan toksik daripada rawatan kemoterapi.

Bagaimanapun, lebih banyak ujian klinikal dibuat untuk betul-betul mengesahkan keberkesanannya memandangkan kesan negatif juga dapat dikenal pasti pada pesakit barah yang berpuasa pada sesetengah kes.

Dengan manfaat kesihatan berpuasa yang banyak ini, kita juga perlu mengambil langkah berjaga-jaga kerana bagi sesetengah orang puasa juga dapat berikan kesan buruk terutamanya pada mereka kurang berat badan, orang tua, pesakit barah yang sedang menjalani rawatan dan orang yang kerap mengalami gastrik.

Lebih-lebih jika mengamalkan puasa sela yang menahan diri daripada makan dan minum lebih daripada 24 jam. Apa-apa amalan pun terbaiknya adalah bersederhana dan tidak berlebihan.



Senario lonjak populariti komedi

Oleh NAZLI IBRAHIM
Foto FIKRI YUSOF

Tidak dapat dinafikan, Senario bertanggungjawab merintis zaman emas dunia lawak mutakhir ini dan menjadikan artis komedi penghibur buruan dalam dunia seni negara.

Seorang anggotanya Azlee yang jatuh bangun selama 29 tahun dengan kumpulan itu menyifatkan Senario menaikkan status artis pelawak pada aras tinggi.

"Bila nama Senario makin laris dan menang pula macam-macam anugerah, kita boleh nampak barulah martabat artis komedi diangkat, bukan macam dulu lagi," kata bapa dua anak itu kepada Selangorkini pada 24 Januari.

Pemilik nama Mohd Azlee Jaafar menganggap dirinya bertuah kerana menjadi sebahagian sejarah panjang kumpulan yang menjadi nama besar industri hiburan.



Azlee juga antara pengasas siri komedi (sitkom) Senario. Bersiaran antara 1996 hingga 2013, program itu meraih empat Anugerah Bintang Popular Berita Harian (ABPBH) dalam kategori Penghibur TV Popular dan Artis Duo / Berkumpulan Popular.

Mereka juga dua kali memenangi trofi Anugerah Skrin dalam kategori Rancangan Hiburan Terbaik. Kemuncaknya dinobatkan pemenang Anugerah Pencapaian Sepanjang Zaman dalam Anugerah Lawak Warna pada 2014.

Azlee juga melihat kejayaan rakan dalam Senario, Muhammad Saiful Azam Mohamed Yusoff atau dikenali Saiful Apek muncul artis komedi pertama meraih Anugerah Bintang Paling Popular 2004 membuka mata banyak pihak industri seni.

"Bukan senang artis komedi sampai tahap itu. Senario juga pernah diiktiraf sebagai pelawak sepanjang zaman oleh Astro. Satu pengiktirafan yang kita rasa bakat seni kita dihargai," katanya.

Selain Azlee dan Saiful Apek, pelawak yang pernah menganggotai Senario ialah Allahyarham Hamdan Ramli, Ilya Buang, Mazlan Ahmad (Lan Pet Pet), Abdul Wahid Mohamad (Wahid), Shamsul Azahar Aliddin (Shamsul Ghau Ghau) dan Yassin Yahya.

Ukir nama

Mengimbau kelahiran Senario, Azlee meraih tempat keempat Sinaran Pasport Kegemilangan 1994, terpilih sebagai artis tetap bersama pemenang pertandingan itu dengan jawatan penolong penerbit di Jabatan Hiburan

TV3.

"Saya sebenarnya bekerja dengan TV3 bersama Lan Pet Pet dan Wahid sebagai penolong penerbit di jabatan hiburan

TV3. Kemudian TV3 suruh kami buat kertas kerja projek pertama buat sitkom.

"Masa kita cari nama kumpulan, kalau tak silap saya, Shamsul Ghau Ghau yang mula-mula mencadangkan Senario. Mula-mula nak bagi nama Senang Riu tetapi rasanya Senario lagi sedap dan sesuai dengan konsep," katanya.

Senario turut mengukir nama dalam perfileman. Sebanyak 11 filem diterbitkan, yang pertama Senario The Movie pada 1999 memperoleh kutipan RM5.2 juta, suatu jumlah yang tinggi ketika itu.

Jumlah tertinggi diraih Lagi-Lagi Senario dengan kutipan RM6.33 juta pada 2001.

Filem lain ialah, Senario Lagi (2000), Lang Buana (2003), Senario XX (2005), Senario Pemburu Emas Yamashita (2006), Senario The Movie: Episod 1 (2008), Senario The Movie Episod 2: Beach Boys (2009), Senario Asam Garam (2010), Senario The Movie Ops Pocot (2011) dan Jaga-Jaga Senariounion (2022).

"Watak paling susah masa berlakon orang terencau akal dalam Senario The Movie kerana banyak main ekspresi muka. Hujung-hujung baru ada dialog.

"Selain itu yang saya tak boleh lupa, masa saya main dua watak. Satu anak raja dan satu lagi sultan dalam Lang Buana," katanya.

Dalam nyanyian, Senario merakam enam album antara 1997 hingga 2005. Sehingga kini, Senario satu-satunya kumpulan pelawak ke Anugerah Juara Lagu dua kali pada 2000 dengan lagu Cepat Kaya dan 2006 menerusi Zapin Cinta SMS.

Keunikan lagu Senario pada liriknya mengenai kehidupan masyarakat dan berunsur nasihat, sekali gus memikat kanak-kanak dan orang dewasa.

Bercakap mengenai artis komedi sekarang, Azlee menasihatkan supaya tidak membuat lawak menyinggung perasaan pihak lain termasuk juri pertandingan.

Selain itu, memplagiati lawak artis komedi lain, kerap menggunakan bahan sama dan mengajuk gaya orang terkenal akan membuatkan seseorang pelawak tidak bertahan lama.

"Bukan senang jadi pelawak. Mesti ada bakat semula jadi. Tak boleh buat-buat. Kalau buat-buat tak menjadi tetapi kebanyakan peserta sekarang buat lawak yang orang sudah buat.

"Mesti ada satu identiti dan kekuatan sendiri untuk berlawak. Pada saya itulah yang menunjukkan pelawak sebenar," katanya.

Si cilik takluk menara

Oleh FAYSAL AMANI

Berlari tiga kilometer tanpa henti pada umur tiga tahun. Kebolehan luar biasa Syahid Al Zahran Mohd Saddam terserlah sejak kecil hasil didikan bapa Mohd Saddam Mohd Pittli, 33.

Kini berumur lapan tahun, Syahid Al Zahran sudah menyertai banyak acara sukan berhalangan termasuk pertandingan larian menara.

Mohd Saddam yang juga atlet negara acara sukan berhalangan berkata anaknya sering mengikut berlatih. Ketika umurnya dua tahun sudah membuat senaman tekan dan bangkit tubi serta berlari anak di trek.

"Maka sebab itulah pada usia tiga tahun, dia mula berlari jarak dua kilometer tanpa henti. Dari situ lah saya terfikir untuk melatihnya dengan lebih serius."

"Awalnya saya tidak meletakkan sasaran untuk Syahid Al Zahran, cuma harap dia meminati sukan saya serta seperti larian menara dan sukan berhalangan," katanya kepada Selangorkini, baru-baru ini.

Mohd Saddam dikenali Spartan Giant oleh peminat sukan itu, yakin anaknya mampu mengikut jejak langkah sebagai atlet negara dalam acara sukan berhalangan.

Murid Sekolah Kebangsaan Desa Tun Hussien Onn di Kuala Lumpur, baru-baru ini menjadi satu-satunya peserta cilik menyertai Pertandingan Kebangsaan Larian Menara Majlis Bandaraya Petaling Jaya (MBPJ) 2023 di Petaling Jaya.

Syahid Al Zahran menamatkan larian 552 anak tangga dalam tempoh hanya empat minit untuk meraih tempat ke-70 kategori lelaki terbuka.

Kanak-kanak kelahiran Hospital Teluk Intan, Perak itu pernah mendapat tempat keenam pertandingan Spartan Race Miri di Sarawak untuk kategori bawah 10 tahun, tahun lalu.

"Saya seronok ikut ayah berlatih dan masuk pertandingan... saya mahu jadi sehebat ayah," kata Syahid Al Zahran.

Daki tangga

Ber cerita mengenai latihan diterapkan kepada Syahid Al Zahran, Mohd Saddam berkata, dia hanya membawa anak sulungnya daripada tiga beradik berlari mendaki tangga pang sapuri di diaminya sehingga tingkat 16 sebanyak tiga pusingan, sekali sahaja sebelum Pertandingan Kebangsaan Larian Menara MBPJ 2023.

"Saya nampak dia bersemangat dan tidak mengeluh, mungkin kerana stamina yang ada

Pada umur tujuh tahun, Syahid Al Zahran menarik perhatian ramai menamatkan larian menaiki 552 anak tangga Menara Majlis Bandaraya Petaling Jaya (MBPJ) Disember tahun lepas



BIODATA

Nama penuh: Syahid Al Zahran Mohd Saddam
Umur: 8 Tahun
Nama sekolah: Sekolah Kebangsaan Desa Tun Hussien Onn, Kuala Lumpur

Pencapaian:

Tempat keenam Spartan Race Miri, Sarawak bawah 10 tahun dan ke-70 Pertandingan Kebangsaan Larian Menara MBPJ 2023

Nama penuh: Mohd Saddam Mohd Pittli
Umur: 33 tahun
Asal: Teluk Intan, Perak
Pekerjaan: Tentera

Pencapaian:

- Sukan SEA 2019 - pingat perak dan gangsa
- Juara R U TOUGH ENOUGH Asia Tenggara 2018
- Juara 1st Asian OCR Championship 2018
- Juara Asia OCR Games 2019
- Juara SEA Regional Series Men Elite 2019
- Ketiga SEA Regional series Men Elite 2022
- Emas Spartan Race (tujuh kali)
- Perak Spartan Race (14 kali)
- Gangsa Spartan Race (4 kali)

padanya disebabkan aktif dalam sukan larian.

"Ternyata ia banyak membantunya untuk mendaki anak tangga dengan cepat tanpa henti," kata Mohd Saddam yang juga anggota tentera.

Meski terikat dengan jadual persekolahan sesi pagi dan kelas agama waktu petang, Syahid Al Zahran kekal bersemangat meneruskan latihan.

Untuk pendedahan terhadap Syahid Al Zahran, Mohd Saddam berkata beliau merancang membawa anaknya menyertai acara larian lima kilometer serta pertandingan Spartan Kids, tahun ini.

Bercerita mengenai dirinya, Mohd Saddam berkata, dia mula menyertai sukan berhalangan pada 2016. Beliau muncul juara dalam penyertaan pertamanya, sekali gus mencambah minat terhadap sukan lasak berkenaan.

Pernah meraih pingat perak dan gangsa untuk negara pada Sukan SEA 2019 dalam sukan berhalangan, Mohd Saddam kini membuat persiapan untuk beberapa lagi pertandingan utama bagi tahun ini.

Anak keenam daripada 10 beradik itu berkata, berbanding acara larian lain, larian menara sangat unik kerana tidak semua orang boleh melakukannya kerana ia sangat mencabar.

"Untuk menyertai acara ini, kita bukan sahaja perlukan kekuatan pada bahagian kaki, malah apa yang lebih penting adalah ketahanan mental untuk mendaki setiap tingkat," katanya lagi.



Anwar menerima buku Peace Train daripada penulisnya Yusuf (kanan) dalam Majlis Ilmu Madani di Kompleks Seri Perdana, Putrajaya pada 1 Mac. Foto BERNAMA

Tubuh Tabung Wakaf Mara Madani

RM1 billion untuk peniaga bumiputera

SHAH ALAM - Dana RM1 bilion disediakan bagi melahirkan generasi baharu usahawan bumiputera dalam bidang pertumbuhan tinggi kendalian syarikat pelaburan berkaitan kerajaan (GLIC).

Perdana Menteri Datuk Seri Anwar Ibrahim menjelaskan peruntukan tersebut bertujuan mencipta lebih banyak syarikat yang berupaya menembusi pasaran antarabangsa, lapor Bernama.

Dalam ucapan khas pada majlis penutupan Kongres Ekonomi Bumiputera 2024 selama tiga hari, beliau berkata dana itu selaras syor mewujudkan Dana Pemacu Transformasi Bumiputera.

"Kita mampu mencipta lebih banyak

syarikat usahawan bumiputera yang berjaya seperti Aerodyne yang menembusi pasaran global dalam perkhidmatan dron," katanya di Putrajaya pada 2 Mac.

Beliau juga kagum atas kejayaan syarikat tempatan Les Copaque dan Animonsta dalam industri kreatif selain kepintaran usahawan muda Khairul Aming memanfaatkan teknologi digital.

Anwar menambah Tabung Wakaf Mara Madani pula ditubuh dengan geran RM100 juta dengan Yang di-Pertuan Agong Sultan Ibrahim sebagai penaung bagi menyasarkan dana RM1 bilion dalam dua tahun.

Beliau berkata sistem wakaf yang diteraju Majlis Amanah Raya dan dijayaikan Yayasan Pelajaran Mara memberi manfaat kepada 70.1 peratus rakyat bumiputera dalam pelbagai sektor.

Katanya lagi, kerajaan akan mengkhususkan dana pembiayaan kredit mikro bumiputera sehingga RM1 bilion melalui institusi kewangan pembangunan seperti Bank Simpanan Negara, Agrobank, dan Tekun Nasional.

Dana itu bertujuan menyediakan sokongan kepada pelbagai segmen termasuk wanita, belia, veteran tentera, penjaja, pekerja sampingan dan pengusaha kendera saji (food truck).

RM80 juta rawatan klinik swasta

SHAH ALAM - Peruntukan RM78.73 juta disalur kepada golongan berpendapatan rendah untuk menerima rawatan di klinik swasta melalui Skim Perubatan Madani, kata menteri kesihatan.

Datuk Seri Dr Dzulkefly Ahmad menjelaskan skim berkenaan bertujuan mengurangkan kesesakan di kemudahan kesihatan termasuk hospital di seluruh negara, lapor

Bernama.

Katanya, fasa satu skim yang dilancarkan pada 15 Jun tahun lalu meliputi Kuala Lumpur, Gombak, Hulu Langat, Petaling, Klang, Johor Bahru, Kinta, Timur Laut, Kota Kinabalu dan Kuching.

Beliau menambah fasa kedua program tersebut diperluas ke 11 kawasan lagi sebelum dikembang ke seluruh negara pada 19 September lalu. "Berdasarkan perbelanjaan lepas

dan unjuran semasa anggaran perbelanjaan seminggu di 10 daerah fasa satu adalah RM1.7 juta seminggu," katanya di Dewan Rakyat pada 29 Februari.

Beliau menjawab soalan Dato' Dr Alias Razak (PAS-Kuala Nerus) yang mahu tahu justifikasi kerajaan meneruskan skim berkenaan.

"Dalam merangka apa juga dasar kesihatan ia mestilah memenuhi hasil kesihatan yang lebih baik, lebih mampu dan pembiayaan yang lebih mantap dan berjangka jauh," katanya.

Cat Stevens mahu tubuh NGO amal

SHAH ALAM - Yusuf Islam, pemuzik Britain terkenal yang dahulunya dikenali sebagai Cat Stevens sebelum memeluk Islam mahu menubuhkan pertubuhan amal Peace Train di Malaysia.

Organisasi yang aktif menghantar makanan kepada pengurusan perbandaran, kem pelarian dan sekolah menjadikan Malaysia sebagai cawangan luar negara buat pertama kali, lapor Bernama.

"Di United Kingdom, kami membantu banyak kanak-kanak yang sangat miskin. Ini jenis projek yang kami lakukan, berdasarkan ajaran Nabi Muhammad SAW," katanya.

Beliau menjadi penceramah jemputan majlis Syarahan Madani di Kompleks Seri Perdana, Putrajaya pada 2 Mac. Hadir sama, Perdana Menteri Datuk Seri Anwar Ibrahim.

Sejak 2020, pertubuhan yang dinamai sempena lagu popular Yusuf enam tahun sebelum menganut Islam pada 1977, menyediakan hampir empat juta makanan di United Kingdom dan luar negara.

Tarikh lihat anak bulan 10 Mac

SHAH ALAM - Tarikh melihat anak bulan Ramadan untuk menetapkan tarikh umat Islam di negara ini mula berpuasa dijalankan pada petang 10 Mac bersamaan 29 Syaaban 1445 Hijrah.

Menjelaskan proses itu berlangsung meliputi 29 lokasi di seluruh negara, Pejabat Penyimpan Mohor Besar Raja-Raja menyatakan kaedah penetapan tarikh itu berdasarkan rukyah dan hisab.

Di Selangor, cerapan diadakan di Bukit Melawati, Kuala Selangor; Bukit Jugra, Banting, Kuala Langat dan Balai Cerap Selangor, Sabak Bernam, lapor Bernama.

Pejabat Penyimpan Mohor Besar Raja-Raja dalam kenyataan pada 3 Mac juga memberitahu pengisytiharan tarikh permulaan puasa dibuat melalui radio dan televisyen.

5,000 Jualan Madani bantu berjimat

SHAH ALAM - Sebanyak 5,000 program Jualan Agro Madani akan diadakan di seluruh negara pada tahun ini bagi membantu golongan berpendapatan rendah menangani kos sara hidup.

Timbalan Menteri Pertanian dan Kejuramian Makanan Datuk Arthur Joseph Kurup berkata jualan itu membawa penjimatan RM27.8 juta kepada kira-kira 11.6 juta isi rumah sepanjang tahun lalu.

Beliau juga menjelaskan sebanyak 5,608 program tersebut menerima 2.9 juta kunjungan rakyat setakat 31 Disember 2023, lapor Bernama.

"Inisiatif ini turut mencatat penglibatan 74,800 usahawan dengan nilai jualan RM93.74 juta," katanya ketika menjawab soalan di Dewan Rakyat pada 5 Mac.

Segera mohon ke kolej, universiti

SHAH ALAM - Permohonan kemasukan pelajar sesi akademik 2024/2025 ke program asasi, sijil, diploma dan ijazah sarjana muda melalui UPUOnline dibuka selama sebulan hingga 29 Mac.

Menurut Kementerian Pendidikan Tinggi, ia terbuka kepada pelajar lepasan Sijil Pelajaran Malaysia (SPM) dan Sijil Tinggi Persekolahan Malaysia (STPM) atau setaraf, lapor Bernama.

Permohonan tersebut dibuka bagi kemasukan ke 20 universiti awam, politeknik (36), 105 kolej komuniti (105) dan institusi kemahiran tinggi awam (empat), kata kenyataan pada 28 Februari.

Fasa kedua permohonan pula dibuka antara 29 April hingga 9 Jun. Sebanyak 503 program pengajian ditawarkan kepada lepasan SPM manakala 1,111 lagi untuk lepasan STPM atau setaraf.

"Semua calon yang berkelayakan diperlawa mengambil peluang ini bagi menyambung pengajian ke peringkat pendidikan tinggi," kata kementerian berkenaan.

Agihan dividen KWSP meningkat

SHAH ALAM - Kumpulan Wang Simpanan Pekerja (KWSP) menyalur dividen 5.50 peratus kepada pencarum simpanan konvensional manakala syariah 5.40 peratus bagi tahun kewangan 2023.

Menurut kenyataan pada 3 Mac, pengagihan simpanan konvensional sebanyak RM50.33 bilion manakala syariah RM57.81 bilion, lapor Bernama.

Agihan dividen berkenaan meningkat sedikit berbanding tahun lalu iaitu 5.35 peratus untuk simpanan konvensional dan syariah 4.75 peratus.

KWSP mencatat pendapatan pelaburan RM66.99 bilion tahun berakhir 31 Disember 2023, meningkat 29 peratus berbanding RM51.91 bilion pada 2022.

Bentang akta sekat Ali Baba akhir tahun

SHAH ALAM - Kerangka Akta Anti-Ali Baba dijangka dibentang di Dewan Rakyat pada akhir tahun ini selepas kementerian ekonomi menerima input pelbagai pihak berkaitan.

Menurut kenyataan di laman sesawang parlimen, cadangan tersebut dibuat berikutnya tiada peruntukan undang-undang boleh membendung perbuatan berkenaan secara menyeluruh dan berkesan.

Akta Suruhanjaya Pencegahan Rasuah 2009, Akta Persaingan 2010, Akta Syarikat 2016 dan undang-undang kecil tidak mencukupi untuk membendung kegiatan itu, lapor Bernama.

"Ini berikutan isu berkenaan merentasi pelbagai sektor serta (memerlukan) tindakan undang-undang yang bersesuaian," menurut tulisan pada 28 Februari.

58,508 pendatang haram ditahan

SHAH ALAM - Seramai 58,508 pendatang asing tanpa izin ditahan bawah Akta Imigresen melalui 20,880 operasi berasingan di seluruh negara antara 1 Januari 2022 hingga 27 Februari lalu.

Menteri Dalam Negeri Datuk Seri Saifuddin Nasution Ismail menjelaskan Selangor mencatat bilangan tangkapan tertinggi diikuti Kuala Lumpur, Johor, Sabah dan Sarawak, lapor Bernama.

Menjawab soalan V Ganabatirau

(HARAPAN-Klang) di Dewan Rakyat pada 29 Februari, beliau berkata 871 majikan ditahan dalam tempoh sama kerana melindungi dan menggaji pendatang.

Beliau menambah penguatkuasaan di Klang dibuat selang sehari berikutnya daerah itu paling ramai pendatang haram di Selangor meliputi lapan lokasi berdasarkan aduan dan risikan.

Katanya, kawasan tersebut ialah Pasar Borong Klang, Pasar Besar

Klang, GM Klang, kawasan perindustrian Bandar Sultan Sulaiman, kawasan industri Pulau Indah dan bandar Bukit Tinggi.

Saifuddin memberitahu sebanyak 36 serbuan diadakan di Klang sejak awal tahun hingga kini membabitkan tangkapan 2,054 pendatang tanpa izin selain lapan majikan diberkas.

Beliau juga menjelaskan keseluruhan bilangan pekerja asing sah dan pemegang pas lawatan kerja semestara pada masa ini di Malaysia berjumlah 2.1 juta.

Kurang 29 peratus syarikat tunai tanggungjawab

Hasil cukai tingkat kebajikan rakyat

SHAH ALAM - Perdana Menteri Datuk Seri Anwar Ibrahim mahu lebih banyak cukai dikutip tahun ini meski Lembaga Hasil Dalam Negeri (LHDN) mencatat sejarah pungutan tertinggi tahun lalu.

Beliau berharap LHDN mengatasi unjuran RM197 bilion yang ditetapkan tahun ini selepas kejayaan mengutip RM183.34 bilion, lebih RM7.8 bilion berbanding tahun sebelumnya.

Katanya, peningkatan hasil cukai menguntungkan rakyat sekali gus membantu usaha menambah baik program Sumbangan Asas Rahmah (SARA) yang digandakan bayarannya

baru-baru ini, lapor Bernama.

"Sementahan, jumlah penerima melonjak kepada 700,000 berbanding 210,000 tahun lalu," katanya dalam program sambutan Hari Hasil ke-28 di Putrajaya pada 1 Mac.

Anwar juga menjelaskan aras percukaian di Malaysia masih rendah iaitu 11.2 peratus daripada Keluaran Dalam Negara Kasar berbanding Singapura (12.6 peratus) dan Thailand (16.4 peratus).

"Bilangan syarikat yang membayar cukai masih rendah iaitu sekitar 435,000 syarikat berbanding 1.5 juta

syarikat berdaftar di Malaysia.

"Ini bermakna kurang daripada 29 peratus syarikat berdaftar membayar cukai," katanya.

Anwar menjelaskan pembayar individu berjumlah 5.7 juta setakat 31 Disember 2023 yang membawa kutipan RM40.96 bilion manakala RM98.77 bilion dipungut daripada 539,113 syarikat.

Ketua Pegawai Eksekutif LHDN Datuk Dr Abu Tariq pula berkata tumpuan diberi kepada isu ketirisan cukai individu yang memiliki kekayaan tidak setimpal pelaporan cukai.

bumiputera hanya berjaya jika mereka menguasai ekonomi.

Beliau juga menggesa kelas pertengahan dan profesional bumiputera di negara ini amat besar, boleh membuka ruang kepada mereka untuk menukar fungsi sebagai pemodal bagi syarikat pemula niaga," katanya.

Dalam program sempena Kongres Ekonomi Bumiputera (KEB) 2024 di Putrajaya pada 2 Mac, Rafizi percaya pemerksaan golongan

sharikat pemula yang berjaya dalam perniagaan perlu membantu syarikat pemula milik bumiputera dengan menjadi pemodal, kata Menteri Ekonomi Rafizi Ramli.

Beliau juga menggalakkan syarikat pemodal swasta untuk menanam modal dalam syarikat pemula niaga bumiputera yang baru memulakan perniagaan,



SHAH ALAM - Sebanyak 13 kes berkaitan cuaca panas dicatat antara minggu pertama hingga kesembilan tahun ini, kata Ketua Pengarah Kesihatan Datuk Dr Muhammad Radzi Abu Hassan.

Menjelaskan empat kes strok haba manakala sembilan lagi kerana kelebihan haba, beliau berkata kejadian itu akibat kegiatan fizikal di luar bangunan

semasa cuaca terik, lapor Bernama.

"Terdapat satu kes strok haba dipantau di Unit Rawatan Rapi dan satu kes kelebihan haba dirawat di wad biasa, Hospital Sultanah Malia, Langkawi, Kedah," katanya pada 1 Mac.

Pada 29 Februari, gelombang haba iaitu merujuk suhu maksimum harian 37 hingga 40 derjah Celcius

sekurang-kurangnya tiga hari berturut-turut dicatat di Pokok Sena, Kedah.

Sebanyak 21 kawasan merekod suhu tahap berjaga-jaga termasuk Petaling dan Sepang di Selangor selain Kuala Lumpur, Perlis dan beberapa lokasi di Kedah, Pulau Pinang, Perak, Sabah dan Sarawak.

Rekod 13 kes akibat cuaca terik



Suee Lim bersama Ramli (kiri) dan Dr Ani (dua, kanan) melancarkan lori kompaktor dan imej baharu KDEB Waste Management di Pusat Konvensyen MPAJ, Gombak pada 28 Februari. Foto FITRI HAZIM HAZAM

Tampung kapasiti besar

Jentera baharu kutip sampah

Oleh FITRI HAZIM HAZAM

AMPANG JAYA - KDEB Waste Management (KDEBWM) berbelanja RM42.5 juta bagi menyediakan perkhidmatan kutipan sisa domestik dan sampah pukal meliputi dua pihak berkuasa tempatan.

Pengarah urusannya berkata RM20 juta diperuntuk bagi menyediakan 49 lori kompaktor manakala RM3.5 juta lagi untuk 20 unit lori sampah pukal (RORO) di Majlis Perbandaran Selayang (MPS).

"Bagi kawasan pentadbiran Majlis Perbandaran Ampang Jaya (MPAJ)

pula, KDEBWM memperuntuk RM19 juta untuk perkhidmatan 44 lori kompaktor dan tiga lori RORO.

"Kelebihan lori baharu ini ialah dapat menampung kapasiti 18,000 tan kutipan, menjimatkan minyak dan saiz sesuai untuk melalui semua kawasan," kata Dato' Ramli Mohd Tahir.

Beliau menghadiri majlis pelancaran kenderaan itu dan imej baharu KDEBWM yang dirasmikan EXCO Kerajaan Tempatan Dato' Ng Suee Lim di Taman Melawati di sini pada 28 Februari.

Sementara itu, Yang Dipertua MPAJ Dr Ani Ahmad menjelaskan penyediaan lori RORO dan kompaktor baharu berupaya menampung kutipan

240 tan sampah meliputi 47 kawasan pentadbirannya.

Beliau menambah penggunaan kenderaan baharu itu juga menangani isu kerosakan lori sebelum ini sekali gus meningkatkan kecekapan kutipan.

Menurut Yang Dipertua MPS Dato' Mohd Yazid Sairi, lori kompaktor dan RORO itu boleh menampung kutipan 16,800 tan sampah sebulan di Selayang sekali gus mengatasi rungutan penduduk.

"Ia juga memenuhi keperluan jumlah penduduk di Selayang seramai 764,000 meliputi keluasan 546.6 kilometer," katanya.

Teliti semula elaun ahli majlis

SHAH ALAM - Kadar elaun ahli majlis pihak berkuasa tempatan (PBT) akan diteliti mengikut kedudukan kewangan pentadbiran, kata EXCO Kerajaan Tempatan Dato' Ng Suee Lim.

Katanya, semakan terakhir pada 2017 mengikut Pekeling Setiausaha Kerajaan Negeri Selangor (Seksyen Pihak Berkuasa Tempatan) 2021 dan Garis Panduan Pengurusan Ahli Majlis PBT Negeri.

Beliau memberitahu kadar yang dipersetujui sebelum ini ialah ahli majlis bertaraf bandar raya dan perbandaran bernilai RM2,500 sebulan manakala tahap daerah RM2,000.

"Mengambil kira cabaran dan bebanan tugas ahli majlis dalam memberi perkhidmatan kepada rakyat kian meningkat selain kos sara hidup, kita pertimbang semula kadar elaun," katanya.

Menjawab soalan wakil rakyat Subang Jaya Michelle Ng Suee Lim mengakui Kerajaan Pulau Pinang melaksanakan kadar baharu daripada RM2,500 kepada RM4,000 berkuat kuasa 1 Oktober tahun lalu.

"Kita akan pertimbang dari semasa ke semasa mengikut kesesuaian dan kedudukan kewangan," katanya dalam sidang Dewan Negeri Selangor di sini pada 29 Februari.

1,300 mesin baharu mudahkan operasi

GOMBAK - Sebanyak 700 lori sampah pukal (RORO) dan 600 lori kompaktor baharu disediakan KDEB Waste Management untuk operasi seluruh kawasan pentadbiran pihak berkuasa tempatan (PBT).

EXCO kerajaan tempatan berkata penyediaan aset berkenaan susulan sambungan kontrak syarikat pengurusan sisa pepejal itu selama tujuh tahun melibatkan semua PBT berkuat kuasa 1 Mac.

Dato' Ng Suee Lim memberitahu Majlis Bandaraya Diraja Klang menjadi PBT pertama menerima 75 lori kompaktor pada Oktober tahun lalu.

"Majlis Perbandaran Selayang menjadi PBT kedua dengan 49 lori kompaktor, 20 lori RORO manakala Majlis Perbandaran Ampang Jaya ketiga menerima 44 lori kompaktor serta tiga lori RORO."

"Majlis Perbandaran Kajang menjadi PBT menerima jumlah perkhidmatan tertinggi sebanyak 120 lori RORO, 100 lori kompaktor," kata beliau pada 28 Februari.

RM212 juta naik taraf kemudahan

SHAH ALAM - Majlis Bandaraya Diraja Klang (MBDK) memperuntuk RM212 juta bagi menaik taraf pelbagai kemudahan prasarana dan usaha memperindah bandar raya Klang.

Datuk Bandarnya Datin Paduka Noraini Roslan berkata perbelanjaan itu termasuk kebersihan alam sekitar dan kesihatan awam RM91.914 juta dan penyelenggaraan parit RM24.957 juta.

"Penyelenggaraan jalan pula RM 67.250 juta, pengindahan dan penyelenggaraan taman serta landskap RM28.056 juta," kata beliau dalam mesyuarat penuh MBDK pada 29 Februari.

Tambah Noraini, pihaknya menekankan pembangunan menyeluruh dan mampan ke arah memperkasa Klang sebagai bandar raya warisan diraja dan pelabuhan berdaya saing pada peringkat antarabangsa.

Kuat kuasa tindakan kilang ingkar

SHAH ALAM - Pihak berkuasa tempatan (PBT) boleh mengambil tindakan penguatkuasaan terhadap mana-mana kilang yang tidak membuat pemutihan mengikut syarat ditetapkan.

EXCO Kerajaan Tempatan Dato' Ng Suee Lim menegaskan tindakan bersama agensi berkaitan seperti Tenaga Nasional Berhad termasuk pemotongan bekalan air dan elektrik boleh dijalankan.

"Pelaksanaan syarat teknikal minimum kilang yang tersenarai dalam Program Pemutihan Kilang Tanpa Kebenaran membantu setiap pekilang untuk mematuhiinya," katanya menjawab pertanyaan wakil rakyat Sementa Noor Najhan Mohamad Salleh pada 29 Februari.

Pantau lebih 40 ajaran sesat

SHAH ALAM - Lebih 40 ajaran sesat di Selangor yang dikenal pasti bergerak aktif secara fizikal mahupun dalam talian sentiasa dipantau, kata pengurus Majlis Agama Islam Selangor (Mais).

Tan Sri Abdul Aziz Mohd Yusof mengakui Mais sukar mengesan individu atau kumpulan terlibat tetapi berharap orang ramai yang menyertai ajaran sedemikian supaya kembali ke pangkal jalan.

"Secara umum, kita (Mais) di Selangor sentiasa berusaha sedaya-upaya supaya ajaran sesat dapat dipantau dengan teliti dan pada masa sama, kita cuba memulihkan pengikut mereka.

"Kita ada Baituliman, badan untuk memulihkan individu (sesat) ini, kita ada ahli ulama yang membantu kembalikan mereka ke pangkal jalan," katanya baru-baru ini.

Program hayati al-Quran diteruskan

PETALING JAYA - Program Selangor Ber-tadabbur yang memasuki tahun keenam penganjuran di Selangor diteruskan bagi mengimarah sambutan Ramadan kali ini.

Pengaruh programnya Marwan Bukhari Abdul Hamid menjelaskan program keagamaan bertema surah al-Hujurat dijadual berlangsung meliputi 20 surau dan masjid terpilih.

"Kita pilih tema surah al-Hujurat iaitu surah ke-49 dalam al-Quran kerana ia sarat mesej akhlak kemasyarakatan yang sesuai dihayati dan diamati setiap lapisan masyarakat," katanya pada 3 Mac.

Sumbang komputer riba untuk asnaf

SHAH ALAM - Lembaga Zakat Selangor (LZS) menyumbang 196 unit komputer riba percuma kepada mahasiswa dalam kalangan keluarga asnaf fakir miskin sekitar Sepang.

LZS berharap pemberian itu yang berlangsung di Masjid Raja Haji Fisabilillah, Sepang membantu lebih ramai anak asnaf ke peringkat menara gading seterusnya mengubah nasib keluarga mereka.

"Kami sentiasa berusaha menyantuni golongan ini di Selangor dan memudahkan anak-anak mereka melanjutkan pelajaran hingga ke menara gading," menurut kenyataan di Facebook pada 2 Mac.

Tangga bergerak mudahkan OKU

KLANG - Pusat Perubatan Pakar Sri Kota (SKSMC) membina tangga bergerak bagi memudahkan pesakit dalam kalangan orang kurang upaya (OKU) dan warga emas, kata Datuk Bandar Klang.

Datin Paduka Noraini Roslan menjelaskan kemudahan sedemikian pilihan tepat dalam menangani situasi kecemasan, lalu lintas pesakit, petugas dan pelawat.

"Klang kini berstatus bandar raya. Beberapa aspek perlu ditingkat antaranya mewujudkan persekitaran masyarakat selamat, sistem pengangkutan terbaik dan ke-

lestarian ekonomi.

Pengaruh SKSMC Tan Suet Guan berkata kemudahan tersebut selaras hasrat untuk memajukan bandar raya bersejarah dan meningkatkan landskap penjagaan kesihatan.

"Usaha ke arah penyediakan kemudahan moden antaranya penambahbaikan Jabatan Kecemasan 24 jam, pembukaan lebih banyak klinik pesakit luar dan peningkatan keselesaan di kafe.

"Setiap penambahbaikan direka dengan teliti untuk memastikan penyediaan kemudahan penjagaan kesihatan komuniti pantas, berkesan

dan selesa untuk pesakit serta pelawat," katanya.

Sempena ulang tahun SKSMC, Suet Guan berkata pihaknya mengumumkan dua inisiatif tanggungjawab sosial korporat iaitu Sunathon 2024 dan saringan kesihatan percuma untuk warga emas.

Sunathon 2024 disediakan kepada anak yatim berusia tujuh hingga 12 tahun yang akan berkhatan di bawah pengawasan Pakar Perunding Bedah Am Dr Ahmad Muhsin.

Saringan kesihatan percuma pula ditawarkan kepada warga emas berumur 60 tahun ke atas bagi mempromosi kesejahteraan dan penjagaan kesihatan golongan terbabit.



Cadang PBT kuat kuasa peraturan

Kuat kuasa mutu bahasa Melayu

Oleh **ABDUL RAHIM SABRI**

KUALA LUMPUR - Kesungguhan ketua agensi setiap pihak berkuasa tempatan (PBT) dituntut bagi memastabat penggunaan bahasa Melayu, kata ketua pengaruh Dewan Bahasa dan Pustaka (DBP).

Dr Hazami Jahari menjelaskan peraturan penggunaannya boleh di-kuat kuasa melalui pekeliling, dasar, undang-undang kecil dan garis panduan dalam iklan, paparan awam serta media massa.

"Laksana penguatkuasaan penggunaan bahasa kebangsaan secara khusus dan berkala. Tindakan tersebut boleh dilaksanakan bersama-sama

proses pengenaan kompaun dan kerja pemutihan bersama PBT dan agensi lain," katanya.

Berucap dalam Wacana Penegasan Bahasa Kebangsaan di Wisma DBP di sini pada 28 Februari, beliau menamakan empat PBT di Selangor yang diiktiraf terbaik menggunakan bahasa Melayu.

Majlis Bandaraya Shah Alam, Majlis Perbandaran Ampang Jaya, Majlis Perbandaran Kuala Langat dan Majlis Daerah Sabak Bernam mendapat lima bintang dalam Sistem Penarafan Bintang Bahasa Kebangsaan PBT.



Selain menggalakkan orang awam memantau dan melapor ketidakpatuhan paparan awam kepada PBT, beliau juga mencadangkan pegawai khusus dilantik bagi mengendali hal ehwal bahasa kebangsaan.

Cadangan sama juga disarankan kepada kakitangan kerajaan negeri melalui penyediaan kandungan laman sesawang rasmi dan diperluas di seluruh jabatan dan agensi, katanya.

"Kerajaan negeri boleh menganjurkan bengkel pemantapan bahasa dalam kalangan kakitangan agar penggunaan bahasa kebangsaan lebih baik dari aspek tatabahasa," katanya.

MBI salur RM1 juta zakat wakalah

MBI akan membayar zakat kepada Lembaga Zakat Selangor sebelum ketibaan Ramadan. Tiga perlapan jumlah bayaran dipulangkan semula kepada MBI untuk salur zakat wakalah.

Ahmad Azri Zainal Nor menjelaskan agihan berkenaan melibatkan empat kategori penerima iaitu fakir, miskin, gharimin dan fisabilillah. "Setiap tahun



MBI juga menghulur RM3,000 zakat wakalah kepada keluarga pemandu

ambulans Mohamad Anis Tacor, 48, yang terlibat nahas dalam perjalanan ke Hospital Tanjong Karang pada Februari tahun lalu.

Menurut isteri mangsa Aishah Awang, 47, sumbangan tersebut digunakan untuk kos rawatan suami dan belanja keperluan keluarga.

"Hanya saya seorang sahaja bekerja. Gaji saya sebagai guru Kafa tidak cukup menampung keperluan keluarga, jadi saya hargai sumbangan zakat diberi MBI."

"Saya perlu menanggung kos perbelanjaan dua anak yang masih bersekolah. Anak sulung terpaksa berhenti pengajian di Universiti Teknologi Mara Raub untuk menjaga suami," katanya lagi.

Air Selangor®

PENGURUSAN AIR SELANGOR SDN BHD
(201401006213)

KENYATAAN TENDER

BIL.	NO. TENDER	KETERANGAN
1.	PN0000017513	UPGRADING OF 11KV ELECTRICAL SUPPLY SYSTEM INCLUDING SUPPLY AND INSTALLATION OF 2 UNITS OF NEW TRANSFORMERS (11/0.433KV) AND OTHER ASSOCIATED WORKS AT WANGSA MAJU BOOSTER PUMP HOUSE

Untuk butiran lanjut dan penyerahan tender di atas, sila layari laman web kami di <https://www.airselangor.com/vendor/tender-lists> or <https://tender.airselangor.com>



Pemain UiTM United Lioness (kanan) menghalang kemaraan Selangor FC dalam perlawanan ketiga Liga Super Wanita di Arena MBSJ, Subang Jaya pada 2 Mac. Foto Persatuan Bola Sepak Selangor

MBPJ FC belasah FC Japan Malaysia

KL Spicegals kekal kemenangan

Oleh AFIX REDZUAN

SHAH ALAM - Jaringan tunggal Marissa Aleya pada awal babak kedua membantu KL Spicegals FC mengekalkan rekod tanpa kalah di puncak Liga Super Wanita (WSL 2024) pada 3 Mac.

Kemenangan ke atas SSS Leopard FC di Arena MBSJ, Subang Jaya meletakkan pendahulu kumpulan B itu selesa mengumpul sembilan mata selepas tiga perlawanan.

Mengekor rapat di tangga kedua, Perkemas FC menang bergaya 4-1 ke

atas Galaxi Girls hasil jaringan Siti Nor Eliza seawal minit pertama diikuti gol Nur Farhana, Irma Aida dan Muskan Majid.

Satu lagi perlawanan kumpulan B antara SA United dan PNSB FC berkesudahan seri 1-1.

Sementara itu, MBPJ FC meraih tiga mata pertama musim ini selepas membela peneraju kumpulan A FC Japan Malaysia 5-0.

Dua jaringan Henrieta Justine dan Arilliana Nabila diikuti satu gol Nadia Roslan membantu MBPJ FC mengutip empat mata di kedudukan keempat liga.

Kekalahan FC Japan Malaysia pada 2 Mac itu membuka peluang kepada MBSJ FC yang beraksi kurang satu perlawanan untuk merampas takhta liga.

Shah Alam FC Swat turut mencatat kemenangan pertama selepas menewaskan Sternen FC 2-0 menerusi jaringan Zureen Aliya dan Hayqq Asyiqah pada babak kedua.

Dalam satu lagi perlawanan kumpulan A, gol Nurin Umairah pada minit ke-54 membantu Selangor FC meraih mata pertama musim ini selepas bangkit mengikat UiTM United Lioness 1-1.

FAM henti program naturalisasi

SHAH ALAM - Persatuan Bola Sepak Malaysia (FAM) menghentikan program naturalisasi pemain profesional buat sementara waktu bagi memberi peluang pemain tempatan beraksi bersama skuad kebangsaan.

Timbalan Menteri Belia dan Sukan Adam Adli Abd Halim berkata kelab atau negeri yang bernaung bawah Liga Bolasepak Malaysia (MFL) masih boleh meneruskan program berkenaan mengikut tatacara ditetapkan kerajaan.

"Sebanyak empat pemain naturalisasi dan tujuh pemain warisan mem-

punyi pertalian darah warga Malaysia pada Kejohanan Piala Asia di Doha, Qatar.

"Pemain naturalisasi mewujudkan persekitaran positif dan memberi saingan kepada pemain tempatan untuk disenaraikan dalam 11 pemain utama skuad kebangsaan," katanya di Dewan Rakyat pada 4 Mac.

Adam Adli memaklumkan Majlis Sukan Negara (MSN) dengan kerjasama FAM berazam meningkatkan prestasi sukan tersebut melalui program pembangunan bola sepak ne-

gara sejak 2014.

"Program ini memfokuskan peringkat umur dari tujuh hingga 17 tahun. Ia merupakan Pelan Strategik Jangka Panjang yang digariskan melalui sembilan inisiatif bagi menghasilkan pemain bola sepak bersaing di peringkat Asia hingga layak ke Piala Dunia."

"Sehingga kini, program pembangunan ini mempunyai seramai 16,228 pemain, 767 jurulatih dari 63 Akademi Tunas, 14 buah sekolah sukan negeri, sekolah sukan Malaysia dan sebuah Akademi Mokhtar Dahari," katanya.

1,138 atlet wakili negeri ke SUKMA

SHAH ALAM - Seramai 1,138 atlet Selangor bakal beraksi dalam Sukan Malaysia (SUKMA) ke-21 yang dijadual berlangsung pada 17 hingga 24 Ogos.

EXCO Sukan Najwan Halimi berkata penganjuran di Sarawak kali ini melibatkan 37 acara, paling banyak dalam sejarah sukan dwitahunan itu.

"Kita sasarkan menjadi tiga pasukan terbaik. SUKMA edisi lepas, kita di tempat keempat dan kali ni ini kita akan perbaiki," katanya sidang Dewan Negeri Selangor pada 4 Mac.

Najwan berkata Kerajaan Negeri memperuntuk RM8 juta bagi program pembangunan sebagai persediaan menghadapi kejohanan itu.

Sedia kemudahan sukan terbaik

SHAH ALAM - Kerajaan Negeri menyediakan kemudahan sukan untuk semua atlet menjalani latihan lebih baik termasuk acara kurang popular.

EXCO Sukan Najwan Halimi berkata kemudahan yang dibangunkan pihak berkuasa tempatan itu disediakan mengikut permintaan penggunaan.

"Pembangunan fasiliti kurang tumpuan ini juga memenuhi keperluan masyarakat setempat seperti berekreasi.

"Ia termasuk penggunaan dewan-dewan yang boleh digunakan untuk sukan bukan aliran utama mengikut perbezaan kategori," katanya menjawab soalan wakil rakyat Batu Tiga Danial Al-Rashid Haron pada 29 Februari.

Najwan memaklumkan pihaknya menyediakan kemudahan mengikut ciri ditetapkan badan sukan yang memenuhi keperluan atlet prestasi tinggi.

Hadiyah kereta buat pemenang pingat

SHAH ALAM - Ganjaran sebuah kereta menanti atlet negara yang memenangi pingat pada temasya Sukan Olimpik Paris 2024.

Menteri Belia dan Sukan Hannah Yeoh berkata pihaknya mendapat komitmen syarikat antarabangsa yang menawarkan ganjaran berkenaan selain berharap sokongan syarikat berkaitan kerajaan (GLC) atau syarikat jenama Malaysia memberi insentif sama kepada pemenang.

"Dalam persiapan Road to Gold ke Paris, kita mula menerima tawaran daripada satu syarikat yang menawarkan kereta untuk atlet yang memenangi pingat emas, perak dan gangsa," katanya lapor Berita Harian pada 29 Februari.

Kementerian Belia dan Sukan menerusi Skim Hadiah Kemenangan Sukan menawarkan ganjaran wang tunai sebanyak RM1 juta kepada pemenang emas Olimpik.

**MOHD KAMRI KAMARUDDIN**
Bukit Antarabangsa

melaowat tapak pangsapuri
Highland Towers di Taman
Hillview, Ampang Jaya

**DATUK RIZAM ISMAIL**
Sungai Air Tawar

gotong-royong bersama
kariah Masjid Ar-Rahmaniah,
Sabak Bernam

**WONG SIEW KI**
Seri Kembangan

melaowat mangsa banjir
di Kampung Baru Seri
Kembangan, Subang Jaya

**MARIAM ABDUL RASHID**
Meru

bersama peserta
pertandingan boling di
Setia Alam, Shah Alam

**AZMIZAM ZAMAN HURI**
Pelabuhan Klang

menyampaikan sumbangan
kepada mangsa kebakaran
di DUN beliau

**PREAKAS SAMPUNATHAN**
Kota Kemuning

menyampaikan taklimat
kepada wakil penduduk di
Taman Sri Muda, Shah Alam

**DANIAL AL-RASYID**
Batu Tiga

merasmikan program khatan
perdana di Masjid Al-Ubudiyah
Seksyen 19, Shah Alam

**DR GUNARAJ GEORGE**
Sentosa

menyerahkan bantuan
persekolahan kepada ibu
bapa di DUN beliau

Buka kaunter bersepadu setiap DUN

SHAH ALAM - Ahli Dewan Negeri Bukit Gasing mencadangkan pembukaan kaunter bersepadu yang menawarkan pelbagai perkhidmatan diwujudkan di setiap Dewan Undangan Negeri (DUN).

Rajiv Rishyakaran percaya kemudahan sedemikian bakal berfungsi sebagai pusat sehenti bagi membantu segenap lapisan rakyat untuk mendapatkan perkhidmatan bawah satu bumbung.

Beliau menjelaskan pusat itu boleh



menempatkan kaunter pelbagai agensi kerajaan dan pihak berkuasa tempatan berikut kedudukan pejabat sedemikian terletak jauh antara satu masa lain.

"Pejabat tanah dan daerah, Air Selangor dan Lembaga Urus Air Selangor boleh disediakan di kaunter bersepadu ini," katanya dalam sesi perbahasan Dewan Negeri Selangor pada 28 Februari.

Beliau turut mencadangkan Majlis Mesyuarat Kerajaan Negeri (MMKN) mengadakan lebih banyak sidang me-

dia bagi memaklumkan gerak kerja dan program yang dijayakan pentadbiran negeri.

"Usaha kerajaan perlu dihebah. Tebal dokumen setiap kali MMKN bermesyuarat setiap minggu. Banyak usaha dilakukan tetapi kita di luar mungkin tidak tahu usaha tersebut," katanya.

Wakil rakyat Kota Damansara Muhammad Izuan Ahmad Kasim pula mencadangkan khidmat pempengaru diguna pakai bagi meningkatkan hebatan program negeri dalam kalangan generasi muda.

Elak insiden gangguan bekalan

Hukum pesalah cemar air

Oleh SUHAILA SHAHRUL ANNUAR

SHAH ALAM - Hukuman lebih berat perlu dikenakan kepada mana-mana pihak atau individu yang menyebabkan pencemaran air di Selangor, kata wakil rakyat Dusun Tua Datuk Johan Abd Aziz.

"Kebanyakan gangguan air yang berlaku ini disebabkan insiden pencemaran yang menyebabkan loji rawatan air terpaksa ditutup sehingga kerja

pembersihan selesai," katanya.

Beliau berucap dalam sesi perbahasan Titah Ucapan Duli Yang Maha Mulia Sultan Selangor Sultan Sharafuddin Idris Shah Al-haj dalam sidang Dewan Negeri Selangor pada 28 Februari.

Pada masa ini, hukuman maksimum ke atas pencemar adalah denda RM500,000 dan penjara lima tahun jika

sabit kesalahan.

Johan berkata pengguna air ketika ini dianggar 6.2 juta dan Kerajaan Negeri perlu bersedia untuk berdepan cabaran kritikal dalam menangani krisis air sebelum ini.

"Dalam masa sama, saya juga memuji pelan persediaan dengan pelan pembangunan loji rawatan air dan projek Skim Jaminan Air Mentah," katanya.

saranan Baginda yang mengingatkan penjawat awam supaya tidak lalai dalam tanggungjawab membangun negeri.

Justeru, beliau menambah penglibatan wakil rakyat dalam program dan dasar pentadbiran negeri khususnya dalam menentukan keputusan penting harus terus diperkasa.

"Sungai Pelek berpandangan budaya 'Little Napoleon' patut dihapuskan dan 'No Wrong Door Policy' perlu diamalkan bagi membantu menyelesaikan permasalahan rakyat," katanya.

Percepat projek tebatan banjir

SHAH ALAM - Pihak berkuasa disaran mempercepat projek tebatan banjir selaras titah Duli Yang Maha Mulia Sultan Selangor yang menekankan perkhidmatan cemerlang kakitangan awam.

Ahli Dewan Negeri Sungai Pelek berkata kawasan itu berdepan musibah banjir dengan kekerapan lima hingga enam kali setahun berbanding dua kali sebelum ini.

"Dalam titah Sultan Sharafuddin



Idris Shah Alhaj sebelum ini, turut dibangkitkan mengenai perkhidmatan cemerlang pihak berkuasa tempatan (PBT) dan agensi kerajaan.

"Saya mohon PBT, Jabatan Kerja Raya serta Jabatan Pengairan dan Saliran memberi perkhidmatan terbaik khususnya infrastruktur," kata Lwi Kian Keong dalam sidang Dewan Negeri Selangor pada 1 Mac.

Membahaskan titah ucapan Sultan Selangor, beliau menyambut baik

saranan Baginda yang mengingatkan penjawat awam supaya tidak lalai dalam tanggungjawab membangun negeri.

Justeru, beliau menambah penglibatan wakil rakyat dalam program dan dasar pentadbiran negeri khususnya dalam menentukan keputusan penting harus terus diperkasa.

"Sungai Pelek berpandangan budaya 'Little Napoleon' patut dihapuskan dan 'No Wrong Door Policy' perlu diamalkan bagi membantu menyelesaikan permasalahan rakyat," katanya.

Wujudkan semula Adun Muda Selangor

SHAH ALAM - Ahli Dewan Negeri Kota Damansara Muhammad Izuan Kasim mencadangkan program Adun Muda Selangor diadakan semula bagi menarik minat golongan berkenaan mencebur politik.

Mengakui antara alumni program tersebut, beliau menyatakan kesediaannya untuk bekerjasama dengan mana-mana pihak bagi mengembalikan semula program berkenaan.

"Kita perlu ajar anak muda bahawa politik bukan tanggapan dan fitnah tetapi tanggungjawab, berbahas perlu dengan fakta," katanya dalam sidang Dewan Negeri Selangor pada 29 Februari.

Muhammad Izuan juga percaya kerjasama baik antara wakil rakyat dan



agensi kerajaan mampu menjadikan pentadbiran negeri lebih baik.

"Kerjasama pejabat wakil rakyat dan agensi kerajaan sangat penting. Tanggungjawab bangunkan Selangor bukan semata-mata di bahu Dato' Menteri Besar, EXCO atau wakil rakyat."

"Hendak bangunkan Selangor perlu kerjasama penjawat awam dan wakil rakyat masing-masing," katanya.

Bina laluan pejalan kaki berbumbung

PETALING JAYA - Lebih banyak kemudahan dan prasarana di Dewan Undangan Negeri Seri Setia bakal dibina dan dinaik taraf demi keselesaan penduduk, kata wakil rakyatnya.

Dr Mohammad Fahmi Ngah menambah kemudahan tersebut antaranya menambah laluan pejalan kaki bertutup sekitar Stesen Transit Aliran Ringan (LRT) Glennmarie dan pusat beli-belah Paradigm.

"Saya akan berbincang dengan Datuk Bandar Petaling Jaya mengenai cadangan ini kerana ia bukan sahaja menyediakan kemudahan kepada penduduk tetapi keselesaan untuk semua."

"Selain itu, laluan pejalan kaki juga dilengkapi lampu jalan mengambil kira faktor keselamatan," katanya dalam majlis rumah terbuka Tahun Baharu Cina di pusat beli-belah Kelana pada 2 Mac.

Bangunan mesra wanita, OKU

SHAH ALAM - Reka bentuk bangunan baharu yang bakal dibina di Selangor perlu menitik berat aspek kemudahan yang mesra wanita, kanak-kanak dan orang kurang upaya (OKU).

Wakil rakyat Subang Jaya Michelle Ng Mei Sze menegaskan pertimbangan sedemikian penting bagi pembangunan keluarga selaras matlamat Rancangan Selangor Pertama (RS-1).

"Sebagai ibu, saya tidak boleh kira berapa kali saya perlu menyusu dalam tandas, menukar lampin bayi atas permukaan tandas yang tidak sesuai, menggunakan bilik menyusu yang lokasinya tidak sesuai."

"Bangunan baharu perlu disemak semula piawaian pembangunan dan mematuhi ciri-ciri mesra wanita, kanak-kanak dan OKU," katanya yang mencadangkan pemberian insentif untuk ubah suai bangunan lama.

Anjur banyak kursus kecerdasan buatan

SHAH ALAM - Ahli Dewan Negeri Bukit Lanjan berharap Selangor mewujudkan lebih banyak kursus kecerdasan buatan (AI) bagi meningkatkan kebolehpasaran golongan anak muda.

Pua Pei Ling berkata teknologi tersebut berpotensi melonjak pelbagai bidang termasuk industri kreatif, makmal penyelidikan, usaha kreatif dan pemasaran inovasi program.

"Dunia bergerak ke arah pendigitalan. Saya harap anak-anak kita tidak ketinggalan untuk mahir dalam bidang digital melalui kursus pendidikan dan latihan teknikal dan vokasional (TVET)."

"Saya juga menjunjung kasih pujian Duli Yang Maha Mulia Sultan Selangor yang bangga kerana kita ada pusat TVET iaitu Pusat Pembangunan Kemahiran Teknikal Selangor," katanya pada 1 Mac.

RM13,000 hadiah debat Piala Dato' MB

SHAH ALAM - Pelajar institusi pengajian tinggi dan prauniversiti dipelawa menyertai Pertandingan Debat Piala Dato' Menteri Besar Selangor yang menawarkan wang tunai keseluruhan bernali RM13,000.

Acara anjuran Jawatankuasa Tetap Pendidikan dan Modal Insan Negeri itu terbahagi dua kategori iaitu institusi pengajian tinggi yang menawar hadiah RM8,000 dan prauniversiti (RM5,000).

Program antara 8 hingga 10 Mac di Pusat Pembangunan Kemahiran Teknikal Selangor (STDC) Kuala Selangor itu dijadual berlangsung dalam format Sistem Parlimen British.

Imbas kod QR untuk mendaftar dan syarat pertandingan boleh diperoleh di Facebook Pejabat Setiausaha Kerajaan Negeri Selangor.

Lebih 800 sertai larian di SFV

KUALA SELANGOR - Lebih 800 peserta menyertai Ehsan Fun Run 2024 anjuran Perbadanan Kemajuan Pertanian Selangor (PKPS) di Selangor Fruit Valley di sini pada 2 Mac.

Dato' Menteri Besar berkata acara julung kali itu sebahagian usaha PKPS mempromosi beberapa produk serta pembaharuan di pusat berkenaan.

"Tahun lepas operasi Selangor Fruit Valley mencatat keuntungan kali pertama kepada Kerajaan Negeri berjumlah RM800,000. Mungkin angkanya kecil tetapi satu permulaan yang baik kerana ladang ini menjadi tumpuan pengunjung terutama cuti sekolah."

"Terbaru bakal jadi tarikan ladang durian seluas 400 ekar dan kafe Dapur Ehsan menggunakan inovasi baru menerusi internet pelbagai benda (IOT)," kata Dato' Seri Amirudin Shari.

Tiada kampung jadi tapak warisan

SHAH ALAM - Tiada cadangan untuk mewartakan mana-mana kampung tradisi di Selangor sebagai tapak warisan, maklum EXCO kemajuan desa.

Dato' Rizam Ismail berkata ia termasuk mendapatkan pengiktirafan Tapak Warisan Dunia Pertubuhan Pendidikan, Saintifik dan Kebudayaan Pertubuhan Bangsa-Bangsa Bersatu (Unesco).

"Pada masa depan Kerajaan Negeri terbuka sekiranya terdapat permintaan dan keperluan serta akan meneliti cadangan tersebut.

"Kita akan mendapatkan maklum balas daripada jabatan dan agensi berkaitan jika ada kampung tradisi yang dilihat layak dan sesuai untuk memohon pengiktirafan berkenaan," katanya pada 5 Mac.



Cerpen, puisi & esei
HADIAH SASTERA SELANGOR 2024

terbit setiap Sabtu dan Ahad di portal selangorkini.my



Misbun memberi tunjuk ajar dalam Klinik Badminton Padat bersama Nusa Mahsuri sempena Pameran Anak-Anak Sidek di Kelab Sukan SUK Selangor, Shah Alam pada 3 Mac. Foto MOHD KHAIRUL HELMY MOHD DIN

55 kanak-kanak sertai klinik badminton

8,000 kunjungi pameran Anak Sidek

Oleh SHEEDA FATHIL



SHAH ALAM - Lebih 8,000 pengunjung melawat Pameran Anak-Anak Sidek di Auditorium Daeng Chelak, Muzium Sultan Alam Shah sejak dilancar November tahun lalu.

EXCO Kebudayaan Borhan Aman Shah yakin bilangan pengunjung bertambah ke pameran yang dianjur hingga 31 April susulan cuti persekolahan ketika ini.

"Pelbagai pengisian menarik disediakan sepanjang pameran dan saya menyeru ibu bapa untuk bawa anak mereka telusuri sejarah lagenda badminton negara ini."

"Antara aktiviti diadakan adalah pertandingan mewarna, kuiz pengunjung serta teka jumlah bulu tangkis," katanya ketika merasmikan Klinik Badminton di Kelab Sukan SUK Selangor pada 3 Mac.

Seramai 55 kanak-kanak berusia lingkungan 10 hingga 16 tahun menyertai klinik tersebut sempena pame-

ran berkenaan.

Borhan berkata pihaknya menerima permintaan menggalakkan tetapi pengambilan peserta pada peringkat permulaan ini perlu dihad.

Menurutnya, program dengan kerjasama Perbadanan Adat Melayu dan Warisan Negeri Selangor dan Kelab Badminton Nusa Mahsuri bertujuan mendekahkan teknik asas kepada peserta.

Peserta juga diberi pendedahan berkaitan teknik dalam permainan badminton dan 'shuttle drill' yang turut diajar Datuk Misbun Sidek, Dato' Seri Mohd Jalani Sidek dan Abdul Rahman Sidek.

Wakil PN sokong MB isu sultan

SHAH ALAM - Wakil rakyat Selat Klang menyatakan sokongan kepada kepemimpinan Dato' Menteri Besar berikut Perikatan Nasional (PN) Selangor berdiam diri terhadap tohmahan kepada Raja-Raja Melayu.

Menegaskan keputusan itu dibuat dengan rela hati, Datuk Abdul Rashid Asari dalam kenyataan pada 6 Mac berpendapat tindakan gabungan tersebut juga berlawanan prinsip orang Melayu

beragama Islam.

Jelasnya, langkah itu turut mengambil kira pujian Duli Yang Maha Mulia Sultan Selangor terhadap pentadbiran Dato' Seri Amirudin Shari dalam landasan tepat demi kemajuan dan ke sejahteraan rakyat.

"Langkah ini akibat beberapa siri tindakan PN terutama di Selangor yang berdiam diri terhadap tohmahan kepada Raja-Raja Melayu. Ini berlawanan

dengan prinsip orang Melayu beragama Islam.

"Saya turut mengambil keputusan ini bagi memastikan kesejahteraan rakyat terutama penduduk di kawasan Selat Klang yang akan menerima manfaat daripada kerajaan stabil dan padu," katanya yang kekal sebagai ahli Parti Pribumi Bersatu Malaysia dan akan terus berkhidmat sebagai Ahli Dewan Negeri Selat Klang.